



Republika e Kosovës
Republika Kosovo - Republic of Kosovo
Kuvendi - Skupština - Assembly

Legjislatura IV

Kuvendi,

Në mbështetje të nenit 65 (9) të Kushtetutës së Republikës së Kosovës dhe të nenit 67 të Rregullores së Kuvendit, në mbledhjen plenare të mbajtur më 30 maj 2013, pas shqyrtimit të Propozim-statutit të Universitetit “Ukshin Hoti” në Prizren, mori këtë:

V E N D I M

Miratohet Statuti i Universitetit “Ukshin Hoti” në Prizren me ndryshimet e propozuara nga Komisioni për Arsim, Kulturë, Rini, Sport, Administratë Publike, Qeverisje Lokale dhe Media.

Nr. 04-V- 621
Prishtinë, më 30 maj 2013

Kryetari i Kuvendit

Jakup KRAŠNIQI

Vendimi i dërgohet:

- Qeverisë së Republikës Kosovës.
- Komisionit për Arsim, Kulturë, Rini, Sport, Administratë Publike Qeverisje Lokale dhe Media.
- Universitetit “Ukshin Hoti” në Prizren.
- Arkivit të Kuvendit.



Republika e Kosovës
Republika Kosovo - Republic of Kosovo
Kuvendi - Skupština - Assembly

Nr. 04-V-621

Kuvendi i Republikës së Kosovës, në bazë të nenit 65(1) të Kushtetutës së Republikës së Kosovës dhe nenit 17 paragrafi 1 të Ligjit për Arsimin e Lartë në Republikën e Kosovës nr. 04/L-037,

Miraton,

STATUTI I UNIVERSITETIT "UKSHIN HOTI" PRIZREN

DISPOZITAT E PËRGJITHSHME

Neni 1
Themelimi

Universiteti "Ukshin Hoti" Prizren (në tekstin e mëtejme: 'Universiteti') është themeluar në bazë të Vendimit të Qeverisë së Republikës së Kosovës, nr. 01/87, datë 09.10.2009.

Neni 2
Emri, selia, struktura dhe simbolet

Emri i Universitetit është "Ukshin Hoti" Prizren.

Neni 3

Selia e Universitetit është në Prizren.

Neni 4

Universiteti përbëhet nga njësítë akademike dhe njësítë organizative, siç parashihet në këtë Statut.

Neni 5

1. Universiteti ka këto simbole:
 - 1.1. Stemën;
 - 1.2. Vulën dhe vulën e thatë;
 - 1.3. Flamurin;
 - 1.4. Gjerdanin e Rektorit;
 - 1.5. Pelerinën e Rektorit, të prorektorëve dhe të dekanëve të njësive akademike.
2. Simbolet e Universitetit caktohen nga Këshilli drejtues me propozim te Senatit sipas konkursi publik.
3. Njësitë akademike të Universitetit kanë të drejtë të përdorin emrin, stemën dhe flamurin e Universitetit.
4. Data e përvjetorit të Universitetit është data e themelimit te tij 9 tetor 2009.

Neni 6

Misioni

1. Universiteti është institucion autonom i arsimit të lartë, që zhvillon arsimim akademik, kërkime shkencore, krijuartari artistike, këshillime profesionale dhe fusha të tjera të veprimtarive akademike. Universiteti ka këto qëllime:
 - 1.1. të veprojë si institucion për avancimin e diturisë, ideve dhe shkencës në sistemin e arsimit të lartë të Kosovës;
 - 1.2. të veproj si institucion në zhvillimin e arsimit, shkencës, kulturës, shoqërisë dhe ekonomisë së Kosovës;
 - 1.3. të ndihmojë në procesin e promovimit të demokracisë qytetare;
 - 1.4. të synojë të krijojë dhe mbështesë standarde më të larta në fushën e mësimdhënies dhe mësimnxënies, kërkimeve shkencore dhe krijuartarise artistike;
 - 1.5. të shfrytëzojë burimet e veta në mënyrë sa më efikase;
 - 1.6. të bashkëpunojë maksimalisht dhe të marrë pjesë në të gjitha aktivitetet e arsimit të lartë në nivel kombëtar, rajonal dhe ndërkombëtar;
 - 1.7. t'u përshtatet standardeve evropiane;

1.8. të integrohet plotësisht në zonën evropiane të arsimit të lartë në Zonën Evropiane të Kërkimeve Shkencore si dhe të ndërmarrë hapat adekuat reformues të nevojshëm për arritjen e këtij misioni.

Neni 7

Universiteti obligohet të krijojë mundësi të barabarta për të gjithë pa asnjë lloj diskriminimi ne baze gjinie, race, orientimi seksual, statusi martesor, gjuhe, religjioni, besimi politik a diç tjetër, përkatësi kombëtare, etnike ose sociale, përkatësia një komuniteti kombëtar, pasuria, statusi i lindjes apo ndonjë status tjetër.

Neni 8

Universiteti siguron dhe mbështetë barazinë gjinore. Në rastet kur kandidatët e gjinisë mashkullore dhe femërore i kanë kualifikimet dhe te arriturat profesionale te barabarta, përparësi do t'i jepet kandidates femër.

Neni 9

Stafi akademik dhe administrativ i Universitetit dhe studentet duhet të sillen në përputhje me standarde më të larta të përkushtimit, integritetit, objektivitetit, përgjegjësisë, sinqeritetit, ndershmërisë dhe udhëheqjes.

Neni 10

Universiteti gëzon autonominë dhe lirinë e mësimdhënies akademike, të kërkimeve shkencore si dhe të krijimtarisë artistike brenda veprimtarisë së tij. Mjediset e Universitetit gëzojnë të drejtën e paprekshmërisë, përvèç rasteve të përcaktuara ndryshe me ligje të veçanta.

Neni 11

Stafi akademik, administrativ dhe studentët e Universitetit gëzojnë lirinë e bashkimit dhe të shprehjes brenda strukturave të parapara me këtë Statut.

Neni 12

Të drejtat dhe detyrat

I. Universiteti ka këto të drejta dhe detyra :

1.1. të zgjedhë autoritetet qeverisëse dhe menaxhuese dhe të përcaktojë mandatin e tyre;

- 1.2. të rregullojë strukturat dhe aktivitetet e tij përmes rregullave të Universitetit bazuar në dispozitat e këtij Statuti, në përputhje me Ligjin mbi Arsimin e Lartë dhe me akte të tjera nënligjore të nxjerra prej tij dhe në përputhje me ligjet tjera në fuqi;
- 1.3. të zgjedhë personelin mësimor dhe personelin tjetër, të përcaktojë kushtet shtesë për pranimin e studentëve dhe metodat e mësimdhënies e të vlerësimit të studentëve, të miratuara nga AKA-ja;
- 1.4. të hartojë dhe zbatojë në mënyrë të pavarur planprogramet, kërkimet shkencore dhe projektet artistike ;
- 1.5. të bëjë përzgjedhjen e fushave për studim;
- 1.6. të japë tituj për profesorët dhe personelin tjetër, në pajtueshmëri me Ligjin mbi Arsimin e Lartë, me ligjin e Punës si dhe skemën e aprovuar nga AKA-ja.

Neni 13

1. Universiteti është person juridik dhe ka subjektivitet të plotë ligjor lidhur me të gjitha të drejtat dhe detyrat në lidhje me çështjet që trajtohen në ligjet e aplikueshme duke perfshirë:
 - 1.1. të drejtën për të paditur dhe të drejtën për t'u paditur;
 - 1.2. rregullimin e organizimit të vet të brendshëm;
 - 1.3. kufizimin e të drejtës për përdorimin e titullit të Universitetit vetëm për personat ose organizatat që e kanë autorizimin nga Këshilli drejtues i Universitetit;
 - 1.4. zotërimin dhe menaxhimin e trojeve dhe godinave dhe pasuri të tjera kapitale;
 - 1.5. pranimin dhe administrimin e fondeve nga çdo burim i ligjshëm;
 - 1.6. propozimin e taksave, tarifave dhe gjobave Ministrisë se Arsimit për miratim;
 - 1.7. emërimin dhe ndërprerjen e marrëdhënies së punës së personelit akademik dhe joakademik si dhe për të ushtruar të gjitha detyrat e një punëdhënësi, siç është paraparë me legjislacionin në fuqi;
 - 1.8. nënshkrimin e kontratave përmallra dhe shërbime dhe projekte kapitale;
 - 1.9. miratimin për përmrbajtjen dhe strukturën e programeve të tij akademike shkencore, artistike dhe profesionale;
 - 1.10. krijimin e marrëdhënieve juridike me studentët dhe përshkrimin e kushteve për pranimin e tyre;
 - 1.11. vendosjen e metodologjive të zbatuara të mësimdhënies dhe mësimnxënies;
 - 1.12. aplikimin e masave të duhura për vlerësim dhe sigurim të cilësisë;

- 1.13. dhënen dhe anulimin e titujve, diplomave, thirrjeve dhe gradave shkencore, titujve të nderit;
- 1.14. themelimin e ndërmarrjeve komerciale, jokomerciale, dhe instituteve për qëllime mësimore, shkencore-hulumtuese, shërbimeve profesionale dhe artistike;
- 1.15. nënshkrimin e marrëveshjeve me bariqesit vendorë dhe ndërkombëtar;
- 1.16. miratimin, përbajtjen dhe formën e flamurit, të vulës dhe të emblemave të tjera dhe,
- 1.17. kompetenca të tjera të nevojshme për kryerjen e funksionit të tij sipas ligjit.

Neni 14

1. Njësitë akademike dhe njësitë organizative të Universitetit nuk janë persona juridik. Njësitë akademike dhe organizative të Universitetit kanë ato autorizime që parashihen me këtë Statut. Njësitë akademike dhe njësitë organizative të Universitetit janë programe të veçanta në kuadër të Universitetit, gjegjësisht Universiteti është organizatë buxhetore në kuadër të Ligjit për buxhetin e përbërë nga programet-njësitë akademike.
2. Universiteti zhvillon aktivitetin e prokurimit për të gjitha njësitë akademike, njësitë akademike kanë buxhetin e planifikuar në kuadër të Universitetit dhe kanë mundësinë e caktimit të prioriteteve nëpërmes të kërkesave për zotim- shpenzim.
3. Autoriteti menaxhues, të cilil i është dhënë autorizimi, ka për detyrë t'ia dorëzojë Rektorit raportin vjetor të detajuar në lidhje me të gjitha aspektet e udhëheqjes relevante përfshirë:
 - 3.1. kontratat dhe marrëveshjet;
 - 3.2. shfrytëzimin e përgjithshëm të burimeve;
 - 3.3. llogarinë dhe rrjedhën e buxhetit;
 - 3.4. punësimin e personelit të veçantë;
 - 3.5. shfrytëzimin e pajisjeve dhe godinave;
 - 3.6. përbushjen e objektivave të projektit.
4. Autoriteti menaxhues është përgjegjës të dorëzojë raportin e tillë edhe për periudhën më të shkurtër, me kërkesë të Rektorit.
5. Në rast të keqpërdorimit të autorizimit, Rektori ka të drejtë të pezullojë autorizimin derisa të marrë një vendim përfundimtar Këshilli drejtues i Universitetit.

Neni 15

Nga Ministria e Arsimit, Shkencës dhe Teknologjisë (më tej Ministria), po qe se plotësohen kushtet e përcaktuara me Ligjin për Arsimin e Lartë të Kosovës, Universitetit i jepet e drejta për shfrytëzimin e tokës shoqërore dhe publike, ndërtesave dhe pajisjeve.

Neni 16 Qeverisja e Universitetit

1. Autoritetet kryesore qeverisëse të Universitetit janë Këshilli drejtues, Rektori dhe Senati.
2. Të gjitha autoritetet qeverisëse të Universitetit ushtrojnë aktivitetin e tyre mbi parimin e votimit me shumicë votash, nëse nuk përcaktohet ndryshe në këtë Statut.
3. Mandati i të gjithë zyrtarëve qeverisës dhe autoriteteve qeverisëse e anëtarëve të tij fillon me 1 Tetor, nëse nuk përcaktohet ndryshe me këtë Statut.

Neni 17 Këshilli drejtues i Universitetit

1. Këshilli drejtues i Universitetit (më tej ‘Këshilli drejtues’) është autoriteti kryesor qeverisës i Universitetit.
2. Këshilli drejtues ka përgjegjësi të përgjithshme strategjike për funksionimin efektiv institucional të Universitetit.
3. Këshilli drejtues është përgjegjës për të gjitha vendimet në lidhje me çështjet financiare (buxheti, personeli, infrastruktura), në mënyrë që të sigurojë kushte të përshtatshme për veprimtarinë e qëndrueshme të Universitetit në përputhje me detyrimet e tij.
4. Këshilli drejtues, kolektivisht i raporton dhe është përgjegjës para Ministrisë së Financave, për shfrytëzimin e duhur e në mënyrë efektive të fondeve që Ministria ose ndonjë burim tjetër publik ia kanë ndarë Universitetit.
5. Këshilli drejtues mund të formojë komisione të përkohshme për ta këshilluar atë lidhur me aspekte të veçanta të punës së tij.
6. Këshilli drejtues formon Komisionin për çështje statutare si komision këshillëdhënës. Komisioni informon autoritetet e Universitetit lidhur me të gjitha rastet e mosbatimit të Statutit dhe akteve tjera në çështjet e caktuara nga autoritetet kompetente si dhe merr pjesë në hartimin ose jep mendimin në procedurën e përgatitjes së akteve dhe Rregulloreve të nxjerra nga Universiteti. Këshilli drejtues me akt të veçantë rregullon çështjet lidhur me Komisionin për çështje statutare.

Neni 18

- i. Këshilli drejtues përbëhet nga shtatë (7) anëtarë me të drejtë vote.

2. Ministria e Arsimit, Shkencës dhe Teknologjisë emëron tre (3) anëtarë me të drejtë vote dhe ata emërohen sipas dispozitave të Ligjit mbi Arsimin e Lartë. Ata duhet të janë persona me reputacion të lartë publik, me aftësi përkatëse profesionale, afariste së dhe me aftësi të tjera praktike. Asnjë nga anëtarët e emëruar nuk duhet të ketë lidhje të drejtpërdrejta aktuale me institucionin në të cilin emërohet.

3. Senati zgjedh katër (4) anëtarë të Këshillit drejtues me të drejtë vote nga personeli akademik i Universitetit me thirrje të profesorit.

4. Të gjithë anëtarët e Këshillit drejtues shërbejnë në cilësi individuale në Këshill, e jo si delegatë ose përfaqësues të një interesit të veçantë grupor.

5. Nuk mund të zgjedhen për anëtarë të Këshillit drejtues personat që mbajnë këto poste:

5.1. Rektori, prorektori, dekani, prodekani;

5.2. Anëtarët e Senatit;

5.3. Sekretari i përgjithshëm, sekretari i fakultetit.

6. Anëtari i Këshillit të fakultetit, që zgjedhet anëtar i Këshillit drejtues, duhet të heqë dorë nga anëtarësia në Këshillin e fakultetit.

7. Rektori dhe Sekretari i përgjithshëm janë anëtarë ex-officio të Këshillit drejtues pa të drejtë vote.

8. Me ftesë të Këshillit drejtues në takimet mund të marrin pjesë edhe prorektorët.

9. Kryetari i parlamentit të studentëve mund të marrë pjesë në mbledhjet e Këshillit drejtues, pa të drejtë vote, vetëm në raste kur trajtohen çështjet që kanë të bëjnë me studentët.

Neni 19

1. Këshilli drejtues çdo vit zgjedh kryesuesin dhe zëvendës kryesuesin prej anëtarëve të vet, të cilët nuk janë punonjës të institucionit.

2. Mandati i anëtarëve të Këshillit drejtues zgjat tre (3) vjet me mundësi rizgjedhjeje edhe për një mandat. Zgjedhjet për Këshillin drejtues mbahen në qershor kurse mandati i Këshillit drejtues fillon më 1 tetor.

Neni 20

1. Rregullorja e punës së Këshillit drejtues përgatitet dhe miratohet nga Këshilli drejtues.

2. Për mbajtjen e mbledhjeve të Këshillit drejtues nevojitet kuorumi prej pesë (5) anëtarëve, së paku katër (4) prej tyre me të drejtë vote.

3. Vendimet në Këshillin drejtues merren me shumicën e votave te anëtarëve prezent. Në rast se numri i votave është i barabartë, vota e kryesuesit është vendimtare.
4. Për vendimet e mëposhtme të Këshillit drejtues nevojitet shumica e kualifikuar e dy të tretave (2/3) të votave të anëtarëve:
- 4.1. për planin vjetor finansiar;
 - 4.2. për shkarkimin e Rektorit dhe të prorektoreve;
5. Këshilli drejtues miraton Rregullore të veçanta për analizimin e planit finansiar vjetor.
6. Mbledhjet e Këshillit drejtues i thërrët kryesuesi. Në raste të jashtëzakonshme mbledhjet thirren me dy të tretat (2/3) e anëtarëve të Këshillit drejtues. Rendi i ditës për takimet e Këshillit drejtues, vendoset nga kryesuesi respektivisht zëvendëskryesuesi në bashkëpunim me Rektorin.

Neni 21

1. Rektori ofron mbështetje të nevojshme teknike dhe infrastrukturore për Këshillin drejtues.
2. Me kërkesë të Këshillit, Sekretari i përgjithshëm është përgjegjës për sigurimin e informatave plotësuese për vendimet e marra nga Këshilli drejtues.

Neni 22

1. Në pajtim me dispozitat e këtij Statuti, Këshilli drejtues ka këto përgjegjësi:
 - 1.1. të zhvillojë një plan strategjik trevjeçar, i cili do të rishikohet çdo vit.
 - 1.2. në përgatitjen e planit strategjik dhe të rishikimeve vjetore të tij, Këshilli drejtues do të konsultohet me Ministrinë përkthazi me përputhjen e objektivave dhe planeve të veta me Strategjinë shtetërore për arsimin e lartë dhe të burimeve që do t'ju jenë në dispozicion nga Ministria. Fushëveprimi i konsultimeve të tilla përcaktohet me akt nënligjor që e nxjerr Ministria;
 - 1.3. të monitorojë shfrytëzimin e efektshëm dhe të frytshëm të burimeve, likuiditetin dhe sigurimin e aseteve të Universitetit në emër të publikut;
 - 1.4. të zhvillojë strategjitë për sigurimin adekuat të mjeteve nga burimet publike dhe private, duke marrë parasysh lehtësimet me rastin e krijimit të kompanive ndihmëse dhe instituteve për shfrytëzimin e rezultateve të punës akademike të Universitetit;
 - 1.5. të diskutojë dhe miratojë planin vjetor të buxhetit të përgatitur nga Rektori dhe të dorëzojë këtë plan tek autoritetet përkatëse shtetërore;

- 1.6. të definojë parimet mbi punësimin, delegimin, nivelimin, promovimin, suspendimin, shkarkimin dhe përcaktimin e nivelit të pagave dhe të kushteve të punës për personel;
- 1.7. të vendosë në lidhje me themelimin, shuarjen dhe ndryshimin e strukturës së brendshme të njësive akademike dhe njësive organizative pasi që të jetë miratuar nga Senati.

Neni 23

1. Detyrat e Këshillit drejtues janë:

- 1.1. të sigurojë parakushte për administrim dhe menaxhim të drejtë të burimeve në nivel të Universitetit dhe njësive të tij vartëse;
- 1.2. të nxjerrë Rregullore për delegim të kompetencave për mjetet dhe çështjet e tjera administrative tek njësítë akademike të Universitetit në përputhje me dispozitat e këtij Statut;
- 1.3. të nxjerrë Rregullore për qeverisjen, drejtimin dhe menaxhimin e Universitetit, siç kërkon me këtë Statut;
- 1.4. të vendosë për strukturën e përgjithshme organizative të njësive akademike, sipas propozimit të Senatit dhe pasi të jenë konsultuar njësítë në fjalë;
- 1.5. të organizojë kontrollin financier në pajtim me Ligjin dhe këtë Statut.

1.6. të nxjerrë Rregullore, në pajtim me këtë Statut, në lidhje me:

- 1.6.1. masat dhe procedurën disiplinore për personelin akademik dhe studentët;
 - 1.6.2. pagesat dhe kushtet e shërbimit për personelin;
 - 1.6.3. procedurat e mënyrave të kompensimit të personelit, në bazë të ankesave në lidhje me punësimin e tyre;
 - 1.6.4. suspendimin apo shkarkimin nga puna të personelit;
 - 1.6.5. ankesat kundër pezullimeve dhe shkarkimeve të tillë.
- 1.7. t'i propozoj Ministrisë tarifat e pagesave të shkollimit që duhet të paguajnë studentët e pranuar dhe në disa raste, të përcaktojë tarifat për shqyrtimin e aplikacioneve për regjistrim, për përsëritjen e provimeve dhe për diplomim dhe këto tarifa do të konfirmohen nga Ministria;
 - 1.8. të përcaktojë rrregulla për llogaritjen e shpenzimeve për shërbimet universitare, që u ofrohen palëve të treta;

1.9. tē zgjedhë Rektorin nga lista e emrave, tē propozuar nga komisioni profesional prej pese (5) anëtareve i emëruar nga Senati;

1.10. tē zgjedhë prorekторët sipas propozimit tē Rektorit

1.11. tē përkujdeset që dispozitat e përgjithshme tē këtij Statuti tē zbatohen në praktikë brenda Universitetit;

1.12. tē veprojë sipas dispozitave tē përgjithshme tē përcaktuara në këtë Statut;

1.13. tē vendosë për formën dhe përbajtjen e stemës, vulës, vulës së thatë, flamurit dhe simboleve të tjera institucionale si dhe ti propozojë Ministrisë formën dhe përbajtjen e diplomave sipas propozimit tē Senatit.

Neni 24

1. Këshilli drejtues do tē publikojë reportin vjetor për përbushjen e detyrave tē punës së Universitetit në përputhje me kërkesat e Ministrisë dhe të Agjencisë Kosovare të Akreditimit. Raporti duhet tē ofrojë informata lidhur me këto aspekte:

1.1. objektivat e përgjithshme strategjike tē arritura;

1.2. tē dhënat statistikore për tërë Universitetin dhe njësitë e tij akademike dhe organizative në lidhje me burimet:

1.2.1. buxheti (fondet publike dhe private);

1.2.2. personeli (shifrat zhvillimore);

1.2.3. infrastruktura;

1.2.4. profili akademik (ndryshimet në personelin akademik, fushat e studimit etj.);

1.2.5. programet e studimit;

1.2.6. numrin e studentëve (studentët e regjistruar për herë të parë, numri i përgjithshëm i studentëve, tē diplomuarit);

1.2.7. kërkimet shkencore (projektet, publikimet, pjesëmarrja në konferenca, punimet).

1.2.8. bashkëpunimin ndërkombëtar;

2. Raportin vjetor tē auditorit për shfrytëzimin e duhur tē mjeteve.

3. Ne pajtim me Ligjin për Arsimin e Lartë, Këshilli drejtues i raporton Ministrisë për realizimin e planit strategjik zhvillimor me se largu deri me 31 Mars të vitit të ardhshëm.

4. Raportet duhet te publikohen ne web faqen e Universitetit.

**Neni 25
Rektori**

1. Rektori është autoriteti kryesor menaxhues i Universitetit.
2. Rektori është përgjegjës për punën efektive dhe të rregullt të Universitetit dhe për menaxhimin e tij sipas politikës së përcaktuar nga Këshilli drejtues dhe ka gjithë autoritetin e nevojshëm për ushtrimin e këtyre detyrave.
3. Detyrat e Rektorit specifikanë në kontratën e punës.

Neni 26

1. Rektorin e zgjedh Këshilli drejtues nga lista e kandidatëve të propozuar nga Komisioni profesional prej pesë (5) anëtarëve të cilin e formon Senati. Komisioni profesional ka për detyrë që të verifikoj nëse kandidatët e paraqitur për pozitën e Rektorit i plotësojnë kushtet e parapara me konkurs.
2. Këshilli drejtues ka të drejtë të refuzojë listën e kandidatëve të propozuar nga Komisioni profesional duke arsyetur atë.
3. Rektori zgjedhet me dy të tretat (2/3) të votave te numrit te anëtarëve te Këshillit drejtues në pajtim me dispozitat e këtij Statuti. Në rast se asnjë kandidat nuk fiton dy të tretat (2/3) e votave në radhën e parë të votimit, atëherë dy kandidatët me numrin më të madh të votave kualifikohen në votimin e dytë. Ne rast se asnjëri nga dy kandidatët nuk fiton dy të tretat (2/3) e votave as në radhën e dyte të votimit atëherë përsëritet konkursi.
4. Emërimi i Rektorit bëhet për një periudhë prej katër (4) vitesh, me mundësi të rizgjedhjes edhe për një mandat.
5. Mandati i Rektorit fillon me 1 Totor.
6. Këshilli drejtues ne konsultim me Senatin nxjerr Rregulloren për procedurën e zgjedhjes dhe mandatin e Rektorit.

Neni 27

1. Për të udhëhequr procedurën e zgjedhjes së autoriteteve qeverisëse dhe menaxhues të Universitetit dhe dekanët, Senati zgjedh një kryesues të përkohshëm, anëtar i Senatit nga radha e personelit akademik.
2. Pozita e Rektorit shpallet nga Këshilli drejtues me konkurs publik në një afat prej pesëmbëdhjetë (15) ditësh pasi të jetë konsultuar me Rektorin.

3. Konkurimi pér postin e Rektorit është i hapur pér kandidatët e brendshëm dhe të jashtëm. Kandidati duhet t'i plotësojë kushtet në vijim:

3.1. të ketë përvojë të dëshmuar në mësimdhënie akademike, kërkim shkencor dhe të ketë gradën më së paku të profesorit te asocuar.

3.2. të ketë përvojë të dëshmuara menaxhuese universitare.

4. Komisioni profesional i zgjedhur nga Senati propozon listën prej kandidatëve të zgjedhur me shumicë votash, pér t'u zgjedhur nga Këshilli drejtues.

5. Këshilli drejtues i interviston kandidatët të cilët i kanë plotësuar kushtet pér konkurrim në këtë post. Në këto intervista secili kandidat prezanton një vizion gjithëpërfshirës pér zhvillimin e strategjisë së ardhshme të Universitetit dhe pér qasjen e tij menaxhuese.

Neni 28

1. Rektori ka këto përgjegjësi :

1.1 të veprojë në emër të Universitetit dhe ta përfaqësojë atë para publikut të gjerë;

1.2 të organizojë, drejtojë dhe menaxhojë Universitetin;

1.3. të udhëheq personelin akademik;

1.4. të vendosë pér Rregulloren e punës pér personelin akademik të Universitetit në kuadër të kormizës së caktuar nga Këshilli drejtues;

1.5. të punësojë, delegojë, nivelizej, promovojë, suspendojë dhe të përcaktojë kushtet e punës pér personel në pajtim me Rregulloret e nxjerra nga Këshilli drejtues dhe Senati;

1.6. ta kryesojë Senatin;

1.7. të paraqesë para Këshillit drejtues propozime në lidhje me karakterin arsimor dhe misionin e Universitetit duke marrë parasysh rekomandimet dhe mendimin e Senatit;

1.8. të zbatojë vendimet e Këshillit drejtues;

1.9. të menaxhojë buxhetin dhe mjetet në kuadër të shumës së miratuar nga Këshilli drejtues;

1.10. të prezantoj raportin vjetor të buxhetit pér të hyrat dhe shpenzimet pér vlerësim nga Këshilli drejtues;

1.11. të nënshkruajë kontrata në emër të Universitetit me palët e treta;

1.12. të nënshkruajë diplomat dhe certifikatat e tjera zyrtare të Universitetit;

- 1.13. të propozojë kandidatët për postin e prorektorëve, për t'u zgjedhur nga Këshilli drejtues;
- 1.14. të propozoj kandidatët për postin e Sekretarit të përgjithshëm;
- 1.15. të shpallë të gjithë titujt akademikë;
- 1.16. ka të drejtë të formojë komisione këshillëdhënëse.
- 1.17. të kryejë të gjitha detyrat e tjera në emër të Universitetit, siç janë përcaktuar me këtë Statut apo me Rregulloret e tjera në fuqi.

Neni 29

Rektori do ta njoftoj Këshillin drejtues për çdo veprim apo lëshim të Këshillit drejtues, i cili, sipas mendimit të Rektorit, përbën një shpërdorim të fondeve publike që i janë dhënë. Në rast se Këshilli drejtues nuk vepron për të korriguar një veprim të tillë jo të duhur apo lëshim, atëherë Rektori do t'ia raportojë drejtpërdrejt këtë veprim ose lëshim Ministrisë. Në raste të tillë, Këshilli drejtues nuk mund të ndërmarrë asnjë veprim ndaj Rektorit, me përjashtim të rasteve kur vetë Ministria e lejon një gjë të tillë.

Neni 30

Autoriteti i Rektorit do të simbolizohet përmes gjerdanit të Rektorit.

Neni 31

1. Mandati i Rektorit mund të përfundojë para kohe në rast të:

- 1.1. dorëheqjes;
- 1.2. shkarkimit nga detyra;
- 1.3. arsyё shëndetësore;
- 1.4. dënimit për vepër penale;
- 1.5. pensionimit;
- 1.6. vdekjes.

2. Procedurat për shkarkimin e Rektorit mund të iniciohen me shurnicë të votave nga:

- 2.1. Këshilli drejtues;
- 2.2. Senati.

3. Procedura për shkarkimin e Rektorit përcaktohet me Rregulloret e nxjerra nga Këshilli drejtues. Vendimi i Këshillit drejtues për shkarkim është valid me shumicën e kualifikuar të dy të tretat (2/3) të votave të anëtarëve.
4. Në rast të shkarkimit të Rektorit përfundon edhe mandati i prorektoreve.
5. Në rast të shkarkimit, Rektori dhe prorektoret e posazgjedhur, do të zgjedhen për periudhën e mbetur të mandatit të Rektorit të shkarkuar.
6. Në rastin e shkarkimit të Rektorit, apo në çfarëdo rasti të mbetjes vakant të pozitës së Rektorit, Këshilli drejtues zgjedh ushtruesin e detyrës të Rektorit deri në përfundimin e procedurës të zgjedhjes së Rektorit për mandatin e mbetur. Ushtruesi i detyrës së Rektorit do të mbaj postin e Rektorit deri në fund të mandatit, në qoftë se deri në shpalljen e zgjedhjeve në Universitet kanë mbetur jo më shumë se gjashtë (6) muaj. Ushtrues i detyrës së Rektorit zgjedhet personi që i plotëson kushtet e parapara për zgjedhjen e Rektorit, nen 27 paragrafi 3 i Statutit.

Neni 32

1. Rektori ka të drejtë të parashtrojë ankesë në Ministri kundër shkarkimit të tij.
2. Vendimi i Ministrisë është vendim përfundimtar në procedurë administrative.
3. Kundër vendimit të Ministrisë mund të iniciohet procedurë në gjykatën kompetente.

Neni 33 Prorektoret

Universiteti ka tre (3) prorektore.

Neni 34

1. Detyrat e prorektoreve caktohen nga Rektori në pajtim me dispozitat e këtij Statuti. Rektori ka të drejtë t'u delegojë përgjegjësi të plotë ligjore për një kohë të caktuar. Përgjegjësi të përbashkëta mund t'u caktohen prorektoreve në fushat e:

- 1.1. mësimdhënies, çështjes së studentëve dhe kërkimeve shkencore;
- 1.2. buxhet e financa dhe infrastrukturë;
- 1.3. bashkëpunimit ndërkombëtar dhe ngritje të cilësisë.

Neni 35

Rektori e emëron njërin nga prorektoret për të ushtruar përkohësisht detyrën e Rektorit në rast të pamundësisë apo paaftësisë së përkohshme të tij.

Neni 36

1. Rektori propozon listën e emrave pér prorektorë nga radha e profesorëve të Universitetit, pasi tē jetë konsultuar me Senatin. Prorektorët zgjedhen nga Këshilli drejtues me dy tē tretat (2/3) tē votave, nē një radhë votimi. Nëse kandidati i propozuar nuk zgjedhet, atëherë Rektori ka tē drejtë tē propozojë kandidatin e ri.
2. Mandati i prorektorëve është i lidhur me atë tē Rektorit, me mundësi tē rizgjedhjes edhe pér një mandat.

Neni 37

1. Mandati i prorektorëve mund tē përfundojë para kohe nē rast tē:
 - 1.1. dorëheqjes;
 - 1.2. shkarkimit;
 - 1.3. arsyе shëndetësore;
 - 1.4. dënimit pér vepër penale;
 - 1.5. pensionimit;
 - 1.6. vdekjes.
2. Procedura pér shkarkimin e prorektorit mund tē iniciohet me shumicën tē votave nga:
 - 2.1. Këshilli drejtues;
 - 2.2. Senati dhe
 - 2.3. Rektori.
3. Procedura pér shkarkimin e prorektorit përcaktohet nē Rregulloret e nxjerra nga Këshilli drejtues. Vendimi i Këshillit drejtues pér shkarkim bëhet valid me dy tē tretat (2/3) tē votave tē anëtarëve.
4. Në rast tē shkarkimit tē prorektorit, Rektori propozon kandidatin e ri pér prorektor, i cili zgjedhet nga Këshilli drejtues pér periudhën e mbetur tē mandatit.

Neni 38 Sekretari i përgjithshëm i Universitetit

1. Sekretari është zyrtari më i lartë ekzekutiv dhe administrativ i Universitetit, me tē drejta dhe përgjegjësi tē veçanta tē përcaktuara nē kontraten e tij, e cila nënshkruehet nga Rektori.

2. Sekretari i përgjigjet Rektorit për administrim efikas, efektiv, financiar dhe ekonomik në të gjitha nivelet e Universitetit. Në këtë pozitë, sekretari i përgjithshëm përgjigjet për të gjitha çështjet që nuk janë kompetencë e organeve ose e udhëheqësve të tjerë.

3. Sekretari i Universitetit është udhëheqës i administratës së Universitetit. Ai është udhëheqës i Administratës Qendrore të Universitetit.

Neni 39

Sekretari i Universitetit zgjedhet nga Këshilli drejtues sipas propozimit të Rektorit, të bazuar në raportin e komisionit profesional të zgjedhur nga Rektori, në bazë të konkursit publik.

Neni 40

1. Kandidatët që konkurrojnë për postin e sekretarit të Universitetit duhet të përbushin këto kushte:

- 1.1. të kenë diplomë universitare master ose ekuivalentë me më së paku katër (4) vjet të studimeve;
- 1.2. duhet të jenë nga fusha profesionale e drejtësisë;
- 1.3. të kenë pesë (5) vjet përvojë pune profesionale;
- 1.4. të kenë aftësi të dëshmuara organizative dhe menaxhuese;
- 1.5. të kenë njohuri të mjaftueshme për proceset e arsimit, artit dhe kërkimeve.

Neni 41

1. Sekretari i përgjithshëm i Universitetit ka këto detyra dhe përgjegjësi:

- 1.1. është zyrtar më i lartë i administratës;
- 1.2. është udhëheqës i administratës qendrore;
- 1.3. është udhëheqës i zyrtarëve për çështje juridike në fakultete;
- 1.4. është zyrtar përgjegjës për udhëheqje efikase, ekonomike dhe efektive të Universitetit;
- 1.5. udhëheqës i drejtoreve të departamenteve në kuadër të administratës qendrore;
- 1.6. është zyrtar përgjegjës për përgatitjen teknike të procesit buxhetor;

1.7. është përgjegjës për çështje të tjera që kërkohen nga këshilli drejtues dhe Rektori, të cilat nuk janë të përcaktuara me këtë statut.

Neni 42
Senati

Senati i Universitetit është organi më i lartë akademik i Universitetit.

Neni 43

1. Senati përbëhet nga këta anëtarë me të drejtë vote:

1.1. Rektori;

1.2. Prorektorët;

1.3. Dekanët e të gjitha njësive akademike sipas këtij Statuti;

1.4. nga një (1) anëtar i zgjedhur nga stafi akademik i se cilës njësi akademike.

1.5. dy (2) anëtarë të zgjedhur nga parlamenti i studentëve prej radhëve të studentëve të Universitetit. Studentet anëtarë te Senatit duhet të jenë student të dalluar me note mesatare së paku tetë (8), dhe nuk duhet të jenë përsëritës të vitit akademik

1.6. një (1) anëtar të zgjedhur nga stafi joakademik.

2. Sekretari i Universitetit është anëtar i përhershëm i Senatit, pa të drejtë vote.

Neni 44

Mandati i anëtarëve akademikë dhe joakademikë të Senatit është katër (4) vite. Mandati i anëtarëve nga radha e studentëve është një vit, pa të drejtë të rizgjedhjes. Mandati i tyre fillon më 1 Totor.

Neni 45

Rektori e kryeson Senatin. Në mungesë të Rektorit, Senatin e kryeson prorektori të cilin e cakton Rektori sipas radhës.

Neni 46

1. Senati nxjerr Rregulloren e punës dhe Rregulloren për procedurën e zgjedhjes së anëtarëve të tij.

2. Rektori cakton procedurat për mbledhjet e Senatit dhe të komisioneve të tij.

Neni 47

1. Varësisht nga përgjegjësia e përgjithshme e Këshillit drejtues dhe nga përgjegjësia e Rektorit dhe e prorektorëve, Senati është përgjegjës për:

- 1.1. çështjet e përgjithshme akademike që lidhen me kërkime, studime, mësimdhënie dhe kurset në Universitet, duke përfshirë:
- 1.2. kriteret për pranimin e studentëve;
- 1.3. zgjedhjen e mësimdhënësve (personelin akademik);
- 1.4. politikat dhe procedurat për vlerësimin dhe mbajtjen e provimeve për konstatimin e punës akademike të studentëve;
- 1.5. përbajtjen e planprogrameve;
- 1.6. sigurimin e mësimit tërëjetësor;
- 1.7. standardet akademike, validitetin dhe rishikimin e kurseve;
- 1.8. sigurimin e cilësisë dhe vlerësimin;
- 1.9. procedurën për dhënien e kualifikimeve dhe të titujve akademikë të nderit;
- 1.10. procedurën për përjashtimin e studentëve për shkak të shkeljeve të dispozitave ligjore.
2. Zhvillimin e strategjisë për aktivitetet akademike në Universitet dhe për mjetet e nevojshme për t'i mbështetur ato si dhe ofrimin e këshillave për Rektorin dhe Këshillin drejtues.
3. Zhvillimin e politikës së mbrojtjes së pronësisë intelektuale të Universitetit dhe shfrytëzimin komersial të saj.
4. Sigurimin e këshillave për çështje të tjera që Këshilli drejtues ose Rektori mund të kërkojnë nga Senati.

Neni 48

1. Detyrat e Senatit janë:

- 1.1. të aprovoj Statutin e Universitetit, të propozuar nga Këshilli drejtues;
- 1.2. të zgjedhë anëtarët e Këshillit drejtues që propozohen nga Universiteti;

- 1.3. tē zgjedhë dekanët dhe prodekanët sipas propozimeve të Këshillave të njësive akademike përkatëse;
- 1.4. tē shkarkojë dekanët dhe prodekanët sipas procedurës së caktuar me këtë Statut;
- 1.5. tē lëshojë vendime për pranimin dhe shuarjen e njësive akademike dhe tē
- 1.6. propozojë ndryshime të tjera në status të tyre për miratim nga ana e Këshillit Drejtues;
- 1.7. tē miratojë programet e studimeve të njësive akademike;
- 1.8. tē përpilojë strategji për zhvillimin akademik të Universitetit;
- 1.9. tē nxjerrë Rregullore të përgjithshme përfushat e punës arsimore, kërkimore dhe artistike;
- 1.10. tē caktojë procedura dhe kriterë për vlerësimin e mësimdhënies, punës shkencore dhe artistike;
- 1.11. tē propozojë kriteret për regjistrimin e studentëve, në përputhje me këtë Statut dhe Ligjin mbi Arsimin e Lartë;
- 1.12. tē vendos për kriteret përfundimtare duke i marrë parasysh kundërshtimet e dhëna nga këshillat e njësive akademike;
- 1.13. tē definojë standartet akademike për ligjérata dhe përsigurim të cilësisë së mësimeve, në pajtim me këtë Statut;
- 1.14. tē vendosë për kriteret e provimit;
- 1.15. tē përcaktojë përmembajtjen e të gjitha të dhënavë akademike dhe dokumentacionit sipas këtij Statutit;
- 1.16. tē vendosë procedurën përfundimtare duke i marrë parasysh kundërshtimet e dhëna nga këshillat e njësive akademike;
- 1.17. tē zgjedhë anëtarët përfundimtare duke i marrë parasysh kundërshtimet e dhëna nga këshillat e njësive akademike;
- 1.18. tē marrë vendimet përfundimtare duke i marrë parasysh kundërshtimet e dhëna nga këshillat e njësive akademike;
- 1.19. tē vendosë përfundimtare duke i marrë parasysh kundërshtimet e dhëna nga këshillat e njësive akademike;
- 1.20. tē vendosë përfundimtare duke i marrë parasysh kundërshtimet e dhëna nga këshillat e njësive akademike;
- 1.21. tē vendosë përfundimtare duke i marrë parasysh kundërshtimet e dhëna nga këshillat e njësive akademike;
- 1.22. tē shqyrtojë çështjet, me kërkesë të Këshillit drejtues apo Rektorit;

- 1.23. të shqyrtojë çështjet, me kërkesë të parlamentit të studentëve;
- 1.24. të nxjerrë Rregulloren e punës së Senatit;
- 1.25. të shqyrtojë çështje të tjera siç përcaktohen nga ky Statut ose me kërkesën e Këshillit drejtues, Rektorit, Këshillave të fakulteteve ose Parlamentit Studentor.

Neni 49

1. Senati mund të formojë këshilla ose komisione të përkohshme për ta këshilluar atë lidhur me aspekte të veçanta të punës së tij.
2. Senati ka një komision të përhershëm, të quajtur Komisioni i studimeve, sipas dispozitave të këtij Statuti.

Neni 50 Struktura organizative e Universitetit

1. Universiteti përbëhet prej:
 - 1.1. njësive akademike;
 - 1.2. njësive organizative.

Neni 51

Njësitë akademike dhe njësitë organizative nuk kanë subjektivitet juridik.

Neni 52 Njësitë akademike

Njësitë akademike të Universitetit janë fakultetet.

Neni 53

Njësitë akademike kanë status të njëjtë sipas dispozitave që rregullojnë organizimin në këtë Statut.

Neni 54

Njësia akademike vepron në kuadër të kornizës institucionale të Universitetit duke ofruar programe të arsimit të lartë, kërkime shkencore ose krijimtari artistike.

Neni 55

Njësitë akademike krijohen me anë të integrimit apo shpërbërjes së njësive të tjera me vendim të Këshillit drejtues dhe pas konsultimeve me Senatin.

Neni 56

1. Parakushtet për të fituar statusin e një njësie akademike janë:

1.1. veprimtaria në një apo në më shumë fusha të veçanta të arsimit akademik, në kërkime shkencore apo në krijimtari artistike në kuadër të kornizës institucionale të Universitetit;

1.2. infrastruktura e mjaftueshme;

1.3. numri i duhur i personelit akademik që mundëson plotësimin e kërkesave akademike për një periudhë afatgjatë.

2. Këshilli drejtues merr vendimin përfundimtar.

Neni 57

1. Njësia akademike humb statusin nëse:

1.1. vlerësohet negativisht nga Agjencia e Kosovës për Akreditim dy herë radhazi;

1.2. i nënshtronhet integrimit apo shpërbërjes;

1.3. këshilli i kësaj njësie akademike kërkon shkëputjen institucionale nga Universiteti;

2. Këshilli drejtues merr vendimin përfundimtar.

Neni 58

Këshilli drejtues vendos për buxhetin vjetor të njësisë akademike sipas propozimit të Rektorit dhe dëgjimit buxhetor me njësinë akademike. Gjatë ndarjes së buxhetit duhet të merren parasysh nevojat e veçanta për obligimet mësimore, kërkimore dhe artistike, si dhe rezultatet e raporteve të mëhershme të punës dhe vlerësimet e njësive akademike.

Neni 59

Njësia akademike ka në dispozicion një përqindje përkatëse vjetore të tarifave të studentëve për të përmirësuar cilësinë arsimore si dhe për të mbuluar shërbimet e paparashikuara të personelit arsimor. Këshilli drejtues nxjerr Rregulloret përkatëse.

Neni 60

1. Për detyrimet arsimore, të cilat financohen nga fondet publike, Universiteti i cakton njësisë akademike një numër të caktuar të personelit akademik dhe joakademik dhe i siguron infrastrukturën e duhur në përputhje me detyrimet arsimore të përcaktuara nga Këshilli drejtues me propozimin e Senatit.
2. Njësia akademike si anëtare e Universitetit është përgjegjëse për zbatimin e programeve të studimeve të akredituara në kuadër të profilit të saj arsimor dhe në përputhje me dispozitat e arsimit të lartë. Senati i cakton programet e studimeve.
3. Njësia akademike është përgjegjëse për zhvillimin e kërkimeve shkencore dhe për punën artistike në kuadër të fushëveprimtarisë së saj.
4. Programet interdisiplinare të studimeve që përfshijnë disa njësi akademike, do të themelohen me vendim të Senatit dhe sipas propozimeve të njësive akademike pjesëmarrëse.

Neni 61

1. Njësia akademike ka emrin dhe vulën e vet.
2. Njësia akademike mban emblemën dhe emrin e Universitetit brenda emblemës dhe emrit të vet.

Neni 62 Fakulteti

1. Fakulteti është i angazhuar në disiplinat akademike të:
 - 1.1. arsimimit akademik;
 - 1.2. kërkimit shkencor;
 - 1.3. krijimtarisë artistike;
 - 1.4. aktiviteteve të tjera të përcaktuara me këtë statut.

Neni 63

1. Fakulteti ofron këto lloje të studimeve:

- 1.1. studimet themelore-bachelor;
- 1.2. studimet master;
- 1.3. studimet e doktoratës.

Neni 64

1. Në përbërjen e vet Universiteti i ka këto fakultete:

- 1.1. Fakulteti Ekonomik;
- 1.2. Fakulteti i Shkencave kompjuterike;
- 1.3. Fakulteti Juridik;
- 1.4. Fakulteti i Edukimit;
- 1.5. Fakulteti i Filologjisë.

Neni 65

1. Varësish prej madhësisë (numrit të përgjithshëm të personelit akademik, numrit të mjaftueshëm të profesorëve të rregullt sipas nevojës së fushave të ndryshme akademike dhe përqindjes së personelit të përhershëm), fakulteti duhet t'i plotësojë standardet ndërkombëtare në mënyrë që të sigurojë zhvillim të qëndrueshëm dhe veprimitari profesionale në të gjitha fushat shkencore për një periudhë asfatgjate.

2. Fakulteti e përqendron profilin e vet arsimor dhe kërkimor për nevojat e vendit, në riaftësimin dhe për mësimin gjatë gjithë jetës të profesionistëve, si dhe ofron shërbime praktike për partnerët vendorë.

3. Fakulteti ka të drejtë të themelojë institute për kërkime praktike në fusha të caktuara.sipas marrëveshjeve të bashkëpunimit me donatorët privatë osc publikë, me miratim të Këshillit drejtues.

4. Këshilli drejtues nxjerr Rregullore mbi organizimin e brendshëm të njësive akademike me propozim të këshillit të njësisë akademike përkatëse.

5. Njësitë akademike kanë të drejtë të krijojnë këto nivele të organizimit akademik :

- 5.1. Departamenti,
- 5.2. Katedra,

5.3. Instituti.

Neni 66

1. Fakulteti është përgjegjës :

- 1.1. t'i propozojë Senatit programet e studimeve;
- 1.2. të organizojë mësimdhënien, provimet dhe vlerësimet e studentëve;
- 1.3. progresin akademik të studentëve, duke përfshirë shërbimet akademike të Studentëve;
- 1.4. të zhvillojë kërkime shkencore apo krijimtari artistike sipas standardeve ndërkombëtare;
- 1.5. të sigurojë cilësinë, vlerësimin dhe çështjet e raportimit, siç është paraparë me këtë Statut;
- 1.6. të përdorë drejt dhe në mënyrë efikase mjetet, siç është paraparë me këtë Statut;
- 1.7. çështjet e personelit sipas dispozitave të këtij Statuti;
- 1.8. të përdorë drejt dhe në mënyrë efikase mjetet e alokuara nga Këshilli drejtues.

Neni 67

1. Fakulteti udhëhiqet nga Dekani të cilin, mund ta ndihmojnë një apo dy (2) prodekanë.
2. Fakultetet që veprojnë në më shumë se një lokacion, kanë të drejtë edhe për nga një (1) prodekan për secilin lokacion.

Neni 68

1. Dekanët dhe prodekanët zgjedhen me dy të tretat (2/3) e votave, të anëtarëve të Senatit, me propozimin e këshillit të fakultetit për një periudhë katër (4) vjeçare, nga radha e profesorëve të fakultetit përkatës, me të drejtë rizgjedhjeje edhe për një mandat.
2. Kandidatët për postin e dekanit dhe të prodekanit duhet të janë individë me kualifikime relevante akademike dhe të kenë aftësi dhe përvojë në udhëheqje, së paku thirrjen e profesorit të asocuar.
3. Dekani i zgjedhur i propozon Këshillit te njësisë akademike prodekanët e mundshëm për mandatin e përbashkët të cilët zgjedhën ne Këshill dhe i përcillen Senatit për miratim.

4. Për zgjedhjen e dekanit të ri, Këshilli i fakultetit zgjedh një delegat nga profesorët e fakultetit, i cili përkohësisht mban mandatin e dekanit në Senat derisa të përfundojë procedura e zgjedhjes së dekanit të ri. Pastaj, dekani i ri merr mandatin ashtu siç parashihet me këtë Statut.

5. Mandati i rregullt i dekanit dhe i prodekanëve fillon me 1 Tetor.

Neni 69

Autoriteti i dekanit simbolizohet me zinxhirin e dekanit.

Neni 70

1. Mandati i dekanit mund të përfundojë para kohe në rast të:

- 1.1. dorëheqjes;
- 1.2. shkarkimit;
- 1.3. arsyes shëndetësore;
- 1.4. dënimit për vepër penale;
- 1.5. pensionimit;
- 1.6. vdekjes.

2. Procedura për shkarkimin e dekanit mund të iniciohet nga:

- 2.1. Këshilli drejtues;
- 2.2. Senati;
- 2.3. Rektori;
- 2.4. Këshilli i fakultetit përkatës.

3. Procedura dhe arsyet për shkarkimin e dekanit përcaktohen në Rregulloren e nxjerrë nga Senati.

4. Vendimi për shkarkimin e dekanit merret nga Senati pasi të jetë bërë konsultimi me këshillin e fakultetit përkatës. Vendimi i Senatit merret me shumicën e kualifikuar të dy të tretat (2/3) të anëtarëve.

5. Në rast të përfundimit të mandatit të dekanit përfundon edhe mandati i prodekanëve.

6. Në rast të përfundimit të mandatit, dekani dhe prodekanët e posazgjedhur do të zgjedhen për periudhën e mbetur të mandatit.

Neni 71

1. Mandati i prodekanit mund tē përfundojë para kohe nē rast tē:

- 1.1. dorëheqjes;
- 1.2. shkarkimit;
- 1.3. arsyes shëndetësore;
- 1.4. dënimit për vepër penale;
- 1.5. pensionimit;
- 1.6. vdekjes.

2. Procedura për shkarkimin e prodekanit mund tē iniciohet nga:

- 2.1. Këshilli drejtues;
- 2.2. Senati;
- 2.3. Rektori;
- 2.4. Këshilli i fakultetit përkatës;
- 2.5. Dekani.

3. Vendimi për shkarkim merret nga Senati pasi tē jetë konsultuar me dekanin dhe këshillin e fakultetit përkatës. Vendimi i Senatit për shkarkim nga posti merret me shumicën e kualifikuar tē dy tē tretat (2/3) tē anëtarëve.

4. Në rast tē përfundimit tē mandatit tē prodekanit, dekani propozon kandidatin e ri nē detyrën e prodekanit, i cili zgjedhet për periudhën e mbetur tē mandatit tē prodekanit tē shkarkuar.

Neni 72

1. Dekani për punën e tij i përgjigjet Këshillit te njësisë akademike. Senatit dhe Rektorit. Detyrat e dekanit janë:

- 1.1. tē sigurojë udhëheqje akademike nē fushat përkatëse për zhvillimin e mësimit, punës shkencore dhe artistike nē fakultet;
- 1.2. tē sigurojë shfrytëzimin efikas, ekonomik dhe efektiv tē mjeteve tē alokuara për fakultetin nga këshilli drejtues;

1.3. të ndërmarrë të gjitha masat e nevojshme në zbatimin e vendimeve dhe detyrave të përcaktuara nga Këshilli i fakultetit;

1.4. të sigurojë informata të mjaftueshme në lidhje me shfrytëzimin e mjeteve dhe rezultateve në mësim, në kërkime shkencore dhe në krijimtari artistike për Rektorin dhe Këshillin drejtues sipas dispozitave të këtij Statut;

1.5. të përfaqësojë Këshillin e fakultetit në Senatin e Universitetit;

1.6. t'i japë këshilla Rektorit dhe Senatit për emërimin e personelit akademik në lëndët e fakultetit;

1.7. të propozojë kandidatët për prodekanë;

1.8. t'i kryejë detyrat e tjera të dekanit që parashihen në këtë Statut.

2. Detyrat e prodekanit i përcakton dekani.

Neni 73

1. Çdo fakultet ka Këshillin, anëtarët e të cilit janë:

1.1. Dekani;

1.2. Prodekani (ët);

1.3. deri në pesëmbëdhjete (15) anëtarë të zgjedhur nga radha e profesorëve të fakultetit;

1.4. deri në dy (2) anëtarë të zgjedhur nga radha e asistentëve të fakultetit;

1.5. një (1) anëtar nga personeli joakademik i fakultetit i zgjedhur nga personeli joakademik i fakultetit;

1.6. një (1) përfaqësues nga radha e studentëve, të zgjedhur nga këshilli i studentëve të fakultetit.

Neni 74

Mandati i anëtarëve akademikë dhe joakademikë të këshillit është katër (4) vjet. Mandati i anëtarëve nga radha e studentëve është një (1) vit. Mandati i tyre fillon më 1 Totor.

Neni 75

Dekani e kryeson Këshillin e fakultetit. Në mungesë të dekanit, një nga prodekanët kryeson këshillin sipas radhës së përparsisë të caktuar nga dekani.

Neni 76

1. Këshilli i fakultetit ka këto përgjegjësi dhe detyra:
 - 1.1. të propozojë listën përfundimtare prej dy (2) kandidatëve për postin e dekanit për t'u zgjedhur nga Senati;
 - 1.2. nëse njëri nga dy (2) kandidatët e propozuar nga lista përfundimtare për postin e dekanit tërhiqet nga gara e votimit në Senat, atëherë Senati ka të drejtë të votojë për dekan kandidatin tjetër.
 - 1.3. t'i japë këshilla dhe propozime Këshillit drejtues dhe Senatit për të gjitha çështjet që kanë të bëjnë me fakultetin, personelin e tij, strukturën dhe organizimin e brendshëm.
 - 1.4. t'i propozoj Senatit planprogramet dhe ndryshimet në planprograme, të japë rekondime në metoda të mësimdhënies, në fusha të studimeve shkencore apo të punës artistike dhe për çështje të tjera akademike.
 - 1.5. të mbikëqyrë progresin e studentëve si dhe të kërkimeve shkencore apo të krijimtarisë artistike në fakultet.
 - 1.6. të propozojë numrin dhe të përcaktojë kushtet për regjistrim të studentëve të rinj, në përputhje me udhëzimet e nxjerra nga Këshilli drejtues dhe Senati.
 - 1.7. të përcaktojë dhe zbatojë masat e duhura për sigurimin e cilësisë dhe për vlerësim në përputhje me udhëzimet e përcaktuara nga Senati.
 - 1.8. të hartojë raportet vjetore të punës për Rektorin.
 - 1.9. të merret me çështje tjera që ndërlidhen me çështje akademike.
 - 1.10. të merret me çështje të tjera të cilat janë të përcaktuara me këtë Statut ose që kërkohen nga Këshilli drejtues apo Senati.

Neni 77 Këshilli i studentëve

1. Çdo fakultet ka Këshillin e studentëve. Ky është autoritet që i përfaqëson të gjithë studentët e fakultetit.
2. Numri i anëtarëve dhe procedura për zgjedhjen e tyre caktohet me Rregulloren e nxjerrë nga Këshilli drejtues në pajtim me këtë Statut dhe në konsultim me Parlamentin e studentëve.
3. Mandati i anëtarëve të Këshillit të studentëve është i kufizuar në dy (2) vite pa mundësi për rizgjedhje.

Neni 78

1. Këshilli i studentëve shqyrton dhe vendllos për të gjitha çështjet në lidhje me të drejtat dhe përgjegjësitë e studentëve në fakultet.
2. Këshilli i studentëve realizon interesat e veta lidhur me mbarëvajtjen e procesit mësimor, përmes përfaqësuesve të vet në këshillin e fakultetit.
3. Anëtarët studentë të këshillit të fakultetit marrin pjesë në propozimin e kandidatëve për dekan.

Neni 79 Njësitätë organizative Biblioteka Qendrore Universitare

Biblioteka Qendrore Universitare është njësi organizative në kuadër të Universitetit.

Neni 80

1. Biblioteka Qendrore Universitare mbledhë, përpunon dhe ofron në përdorim koleksione mësimore, materiale, informacione dhe shërbime bibliotekare për zhvillimin e veprimtarisë arsimore, shkencore si dhe për zhvillimin e aftësive dhe njoħurive të studentëve e mësimdhënësve të tyre.
2. Biblioteka Qendrore Universitare, ofron shërbime për studentët dhe personelin mësimor duke iu dhënë në huazim materiale bibliotekare dhe duke siguruar qasje në burimet elektronike të informacionit. Ofron shërbime profesionale për bibliotekat e fakulteteve përkatëse. Veprimtaria e bibliotekave universitare mbështetet në standarde ndërkombëtare bibliotekare.
3. Biblioteka Qendrore Universitare është pjesë përbërëse e Rrjetit të njësuar bibliotekar të Kosovës me qëllim të zbatimit të standardeve bibliotekarc, përgatitjes dhe shpërndarjes së bazës së të dhënave dhe begatimit e bashkërenditjes së bashkëpunimit nderbibliotekar.

Neni 81

1. Struktura e Bibliotekës Qendrore Universitare përbëhet prej Këshillit drejtues dhe drejtorit.
2. Këshilli drejtues i Bibliotekës Qendrore Universitare ka pesë (5) anëtarë të cilët i emëron dhe i shkarkon Rektori i Universitetit.
3. Këshilli drejtues ka këto detyra dhe përgjegjësi:
 - 3.1. harton dhe aprovon strategjitë dhe politikat zhvillimore të bibliotekës;
 - 3.2. aprovon planin vjetor të punës dhe planin vjetor financiar të bibliotekës;

- 3.3. aprovon raportin vjetor të punës dhe raportin finansiar të bibliotekës;
- 3.4. harton statutin e bibliotekës, të cilin e miraton themeluesi;
- 3.5. harton dhe miraton Rregulloren e punës së vet;
- 3.6. zgjedh dhe shkarkon kryetarin me shumicë absolute të votave të anëtarëve;
- 3.7. zgjedh dhe shkarkon drejtorin e bibliotekës;
- 3.8. i raporton dhe i përgjigjet për punën e tij organit që e emëron.

4. Drejtori i Bibliotekës Qendrore Universitare zgjedhet me konkurs publik sipas Ligjit për Bibliotekat. Mandati i drejtorit është katër (4) vjeçar me mundësi të rizgjedhjes edhe për një mandat. Drejtori udhëheq, organizon dhe mbikëqyrë veprimtarinë dhe funksionimin e bibliotekës. Drejtori i Bibliotekës Qendrore Universitare, sipas Ligjit për Bibliotekat në Republikën e Kosovës është anëtar i Këshillit Kombëtar të Bibliotekave, si organ këshillëdhënës i Ministrisë përkatëse për kulturë. I propozon Këshillit drejtues planin vjetor dhe planin finansiar. Për punën e tij i raporton dhe i përgjigjet Këshillit drejtues. Merr pjesë në mbledhjet e Këshillit drejtues pa të drejtë vote. Përfaqëson bibliotekën brenda dhe jashtë vendit. Ushton detyra dhe autorizime tjera në përputhje me legjislacionin në fuqi.

Neni 82

1. Në kuadër të Universitetit mund të themelohen edhe njësi tjera organizative.
2. Njësitë tjera organizative themelohen me vendimin e Këshillit drejtues, propozimin për themelim mund ta bëjë edhe Rektori.
3. Struktura e njësive tjera organizative përbëhet prej Këshillit administrativ dhe drejtorit.
4. Këshilli administrativ është i përbërë prej pesë (5) anëtarësh, tre (3) prej tyre i zgjedh Këshilli drejtues i Universitetit dhe dy (2) zgjedhen nga radha e personelit të njësisë organizative. Të gjithë anëtarët zgjedhen me mandat tre (3) vjeçar.

Neni 83

Studentët dhe organizimi i studimeve
Studimet dhe programet e studimeve

1. Studimet në Universitet përcaktohen në kuadër të programeve të studimeve.
2. Përbajtja e programeve për të gjitha llojet e studimeve të përfshira në këtë Statut, bëhet në bazë të Rregulloreve të përgatitura nga këshillat e njësive akademike në bazë të sugjerimeve të komisionit të studimeve dhe miratohen nga Senati.
3. Përbajtja e programeve të studimeve për mësimdhënie përcaktohet me Rregulloret e përgatitura nga këshilli akademik i fakultetit përkatës, me sugjerim të komisionit të

studimeve dhe aprovohet nga Senati në pajtim me nenin 16.4 të Ligjit për Arsim të Lartë të Republikës së Kosovës dhe në harmoni me standartet e përcaktuara nga Ministria.

Neni 84

1. Universiteti ofron këto nivele të studimeve:

- 1.1. studimet themelore - bachelor;
- 1.2. studimet master - shkencor dhe profesional;
- 1.3. studimet e doktoratës

Neni 85

1. Universiteti ofron programe të studimeve akademike në këto fusha:

- 1.1. në shkencat sociale dhe humane;
- 1.2. në shkencat e edukimit;
- 1.3. në agrobiznes;
- 1.4. në arte;
- 1.5. në ekonomi;
- 1.6. në drejtësi;
- 1.7. në shkencat kompjuterike;

Neni 86

1. Programet e studimit përmblajnë:

- 1.1. titullin e studimit;
- 1.2. llojin e studimit;
- 1.3. thirrjen akademike (titullin akademik);
- 1.4. kushtet për regjistrim;
- 1.5. objektivat dhe rezultatet;
- 1.6. hollësitë mbi planprogramin;

1.7. kompetencën;

1.8. vlera në kredi sipas ects (lëndët, punimi i diplomës);

1.9. kushtet për studime individuale.

2. Përbajtjet e detyrueshme të planprogramit do të përcaktohen me Rregullore të nxjerra nga Senati.

Neni 87

1. Studimet bachelor zgjasin tre (3) ose kater (4) vjet dhe kërkojnë njëqind e tetëdhjetë (180) respektivisht dyqind e katerdhjetë (240) kredi të ECTS-së.

2. Senati nxjerr Rregullore të veçanta për studimet themelore në fusha të caktuara me propozimin e këshillit të fakultetit përkatës nëse këto programe parashihet të zgjasin deri në gjashtë (6) vjet dhe kërkojnë deri në treqind e gjashtëdhjetë (360) kredi të ECTS-së.

3. Me përfundimin e suksesshëm të studimeve bachelor fitohet thirrja akademike bachelor i shkencës apo bachelor i arteve.

Neni 88

1. Studimet master zgjasin një (1) respektivisht dy (2) vjet dhe kërkojnë gjashtëdhjetë (60) respektivisht njëqind e njëzetë (120) kredi të ECTS-së.

2. Përfundimi me sukses i studimeve themelore bachelor është kusht për regjistrimin e studimeve master.

3. Me përfundimin e suksesshëm të studimeve master fitohet thirrja akademike master i shkencës, master i arteve apo master profesional.

Neni 89

1. Studimet e doktoratës janë studimi më të larta akademike.

2. Studimet e doktoratës zgjasin zakonisht tre (3) vjet, dhe kërkojnë njëqind e tetëdhjetë (180) kredi të ECTS-së dhe përfundim me sukses të studimeve të mëparshme me më së paku treqind (300) kredi të ETCS-së.

3. Kusht për fitimin e titullit doktor shkence është përfundimi me sukses i studimeve të doktoratës dhe mbrojtja me sukses e tezës së doktoratës para komisionit te mbrojtjes.

Neni 90

1. Njësitë akademike të Universitetit kanë të drejtë të themelojnë programe të veçanta për studim brenda kornizës së Bolonjës (bachelor – master – doktoratë):

- 1.1. për programet dylëndore të studimeve;
- 1.2. për programet ndërdisiplinare të studimeve;
- 1.3. për programet e përbashkëta të studimeve.

Neni 91

1. Programet dylëndore të studimeve ofrohen nga njësitë akademike në një program të përbashkët të studimeve dhe përbajnjë dy fusha të studimeve të po kësaj njësie.
2. Përgjegjësitë e secilit partner kontribuuves përcaktohen në programin e studimeve.
3. Programin e studimeve e propozon Këshilli i njësisë akademike dhe aprovohet nga Senati.
4. Me përfundimin e suksesshëm të studimeve fitohet diploma e përbashkët dhe studenti i diplomuar fiton thirrjen profesionale në të dy fushat e studimit.

Neni 92

1. Programet e studimeve ndërdisiplinare përcaktohen nga Senati, ndërsa propozohen nga dy (2) apo më shumë njësi akademike për të tre (3) nivelet e studimit.
2. Përgjegjësitë e secilit partner përcaktohen në programin e studimit.
3. Senati themelon Komisionin për studime ndërdisiplinare, i cili është përgjegjës për:
 - 3.1. zhvillimin e programit të studimeve;
 - 3.2. çështjet organizative dhe teknike;
 - 3.3. procedurat për realizim;
4. Të gjitha propozimet e Komisionit të studimeve duhet të aprovoohen nga Këshillat e të gjitha njësive akademike të cilat kontribuojnë në programin e studimit.
5. Senati merr vendimin përfundimtar për të gjitha Rregulloret e studimeve, të propozuara nga komisioni i studimeve dhe të aprovuara nga këshilli i njësive akademike.

Neni 93

1. Programet e përbashkëta të studimeve mund të zhvillohen ndërmjet Universitetit "Ukshin Hoti" dhe të Universiteteve të tjera në bazë të kontratave për partneritet.
2. Programet e përbashkëta të studimeve përcaktohen nga Senati dhe ofrohen nga njësítë akademike për të tre (3) nivelet.
3. Obligimet e secilit institucion partner përcaktohen në programin e studimeve në bazë të marrëveshjes së përbashkët institucionale.
4. Senati bën zgjedhjen e anëtarëve për komisionin e studimit të përbashkët ndëruniversitar, i cili është përgjegjës për:
 - 4.1. zhvillimin e programit të studimeve;
 - 4.2. çështjet organizative dhe teknike;
 - 4.3. procedurat për realizim.
5. Të gjitha propozimet e Komisionit të studimeve duhet të aprovoohen nga këshillat e të gjitha njësive akademike të të gjitha Universiteteve, të cilat kontribuojnë në studim.
6. Senati merr vendimin përfundimtar për të gjitha Rregulloret e studimeve, të propozuara nga Komisioni i studimeve.

Neni 94

1. Studentët kanë të drejtë të paraqiten në një (1) program individual të studimeve të quajtura "studium irregulare" (studime individuale). Skema kryesore e "studium irregulare" përfshin një nga programet e rregullta të studimeve (programin bazë të studimit) të ofruar nga një njësi akademike. Numri i përgjithshëm i lëndëve të zgjedhura në mënyrë individuale në k拉斯im me programin bazë të studimit nuk duhet të tejkalojë tridhjetë perqind (30%), matur në vlerën e kredive të ECTS-së.
2. Lëndët zgjedhore individuale mund të zgjedhen nga të gjitha njësítë akademike të Universitetit.
3. Propozimet për "studium irregulare" duhet t'i drejtohen komisionit të studimeve të njësisë akademike, prej nga është bazuar programi bazë mësimor duke përfshirë këto elemente:
 - 3.1. titulli i studimit;
 - 3.2. ndjekja e programit të studimeve të rregullta;
 - 3.3. objektivat dhe rezultati i procesit të studimit;
 - 3.4. detajet e planprogramit;

3.5. vlera në kredi të ECTS-së (lëndët, punimi i diplomës);

4. Komisioni i studimeve vendos për:

4.1. pranimin e "studium irregulare" sipas versionit të prezentuar;

4.2. refuzimin e propozimeve për "studium irregulare";

4.3. kthimin prapa të propozimeve të "studium irregulare" për ndryshim apo plotësim.

5. Nëse Komisioni i studimeve i përgjigjet pozitivisht, këshillat e njësive akademike miratojnë "studium irregulare".

Neni 95

1. Njësitë akademike kanë të drejtë të ofrojnë lëndë akademike për publikun në tërësi.

2. Lëndët universitare përfshijnë:

2.1. kurse bazë;

2.2. kurse të specializuara;

2.3. seminare;

2.4. shkolla verore.

3. Planprogrami, parakushtet për vijim dhe çështjet e tjera organizative aprovohen nga këshillat e njësive akademike sipas propozimeve të profesorit i cili është përgjegjës për lëndën. Vendimi përfundimtar merret nga Senati.

4. Me përfundimin e suksesshëm të kursit universitar fitohet certifikata e nënshkruar nga dekani i njësisë akademike në të cilën është zhvilluar lënda dhe nga profesori përgjegjës për lëndën.

Neni 96

Komisioni i studimeve

1. Komisioni i studimeve themelohet në çdo njësi akademike të Universitetit si organ këshillëdhënës për këshillin e kësaj njësie akademike.

2. Komisioni i studimeve themelohet për secilin program ndërdisiplinar dhe program të përbashkët të studimeve të Universitetit, si organ këshillëdhënës për Senatin, në pajtim me dispozitat e këtij Statuti.

Neni 97

1. Komisioni i studimeve është përgjegjës për:
 - 1.1. hartimin e propozimeve të programeve të reja të studimeve;
 - 1.2. përshtatjen dhe ndryshimin e programeve ekzistuese të studimit;
 - 1.3. rishikimin e vazhdueshëm të teksteve universitare;
 - 1.4. kërkesat për ndërrimin e programeve të studimeve nga studentët;
 - 1.5. kërkesat për “studium irregulare” nga studentët;
 - 1.6. përgatitjen e lëndës për ankesat e studentëve;
2. Detyrat e Komisionit të studimeve janë zhvillimi i koncepteve, vlerësimi dhe komentimi i kërkesave në mënyrë që të përgatis raporte për të cilat vendoset në Senat apo në Këshillin e njësisë përkatëse.

Neni 98

1. Komisioni i studimeve përbëhet nga anëtarët në vijim të cilët nuk duhet të janë doemos anëtarë të Senatit apo të këshillit të cilit i përgjigjen:
 - 1.1. prorektori ose prodekan i mësim (kryesues);
 - 1.2. tre (3) profesorë;
 - 1.3. një (1) asistent;
 - 1.4. një (1) student me notë mesatare së paku tetë (8).
2. Anëtarët e personelit akademik zgjedhen nga Senati ose Këshilli të cilit i përgjigjen.
3. Anëtarë student zgjedhet nga parlamenti i studentëve, respektivisht Këshilli i studentëve.
4. Kohëzgjatja e mandatit është në pajtim me Rregulloret e Senatit për anëtarë, ashtu siç është e përcaktuar në këtë Statut.

Neni 99 Pranimi në studime

1. Secili kandidat që e kalon testin e maturës, gëzon të drejtën për të konkurruar për studime në Universitet sipas legjisacionit në fuqi.
2. Kushtet për pranim në studimet themelore – bachelor në Universitet janë:

- 2.1. përfundimi me sukses i shkollës së mesme në Kosovë i vërtetuar me diplomë;
- 2.2. përfundimi me sukses i shkollës fillore dhe të mesme me së paku dymbëdhjetë (12) vjet të shkollimit vërtetuar me diplomë përkatëse;
- 2.3. përfundimi me sukses i shkollës fillore dhe të mesme me së paku dymbëdhjetë (12) vjet të shkollimit vërtetuar me diplomë përkatëse të fituar në botën e jashtme, në qoftë se është bërë barasvlerësimi me diplomën e maturës;
- 2.4. vendimi për njohjen e diplomës dhe barasvlerën merret nga Ministria përkatëse.
3. Senati nxjerr Rregullore, të cilat përcaktojnë në hollësi kushtet dhe kriteret për regjistrim në studimet themelore-bachelor.
4. Për fusha të veçanta studimi, Universiteti organizon provime shtesë - provim pranues për disa lëndë, në procedurën e pranimit të studentëve, të cilat duhet të aprovohen nga Ministria. Në këtë rast studenti duhet të kaloj me sukses provimin pranues për regjistrim në vitin e parë të studimeve.

Neni 100

1. Studentët në studime Master pranohen mbi bazën e konkurrimit, sipas rezultateve të studimeve paraprake dhe ekuivalencës së tyre, sikurse përcaktohet në Ligjin për Arsimin e Lartë.
2. Kriteret e posaçme për pranim në studimet master do të caktohen nga Senati në përputhje me dispozitat e këtij Statuti.

Neni 101

1. Numri i vendeve për studime bachelor dhe master përcaktohet nga Senati për çdo vit të parë të studimit në secilën njësi akademike, me propozimin e këshillit përkatës. Vendimi bazohet në numrin e përgjithshëm të studentëve që do të shkollohen me shpenzime publike të ofruara nga ana e Ministrisë.
2. Studentët me korrespondencë, të studimeve bachelor dhe master, të cilët nuk financohen nga fondet publike por që arrijnë rezultate të shkëlqyera në mësim mund t'i u akordohet një vend studimi i cili financohet nga fondet publike nga viti i dytë (2) i studimit, ose në vitin vijues të studimit. Kushtet dhe kriteret për të fituar këtë të drejtë i përcaktion Këshilli drejtues në propozim të Senatit.

Neni 102

Rregullat për shpalljen e konkursit dhe kriteret për regjistrim nxirren nga Senati.

Neni 103

1. Kandidatët të cilët nuk janë pranuar në vitin e parë të studimeve master mund të ankohen kundër vendimit brenda tre ditëve të punës pas shpalljes së rezultateve të zgjedhjes.
2. Vendimi përfundimtar rrëth ankesës merret nga komisioni tre (3) anëtarësh, kryesuar nga prorektori për mësim dhe çështje të studentëve dhe me anëtarë të tjerë të emëruar nga Rektorë.

Neni 104 Përcaktimi i suksesit akademik

1. Për përcaktimin e suksesit akademik do të aplikohen këto mënyra te vlerësimit :
 - 1.1. provimi;
 - 1.2. kolokviumi;
 - 1.3. punimi seminarik;
 - 1.4. praktika profesionale;
 - 1.5. testi praktik gjatë ushtrimeve;
 - 1.6. interpretimi dhe prezentimi i krijimtarisë artistike dhe i punëve të tjera.

Neni 105

1. Të gjitha njësitë akademike të Universitetit do të zbatojnë këto nota për të përshkruar nivelin e suksesit në provime:
 - 1.1. dhjetë (10) dhe nëntë (9) (shkëlqyeshëm);
 - 1.2. tetë (8) (shumë mirë);
 - 1.3. shtatë (7) (mirë);
 - 1.4. gjashtë (6) (mjaftueshëm);
 - 1.5. pesë (5) (pamjaftueshëm).
2. Kandidati kalon provimin me sukses me notat gjashtë deri dhjetë (6-10).
3. Senati nxjerr Rregulloren për përcaktimin e kritereve të hollësishme për notim.

Neni 106

1. Provimet shërbejnë si mënyrë e rregullt e vlerësimit të dijes.
2. Provimet mund të organizohen veç e veç për çdo lëndë ose të kombinohen për më shumë lëndë në pajtim me programin e studimeve (provim me komision).
3. Provimet janë publike dhe mbahen në këto mënyra:
 - 3.1. me shkrim;
 - 3.2. me gojë;
 - 3.3. me shkrim dhe me gojë;
 - 3.4. praktikë.
4. Provimet e kombinuara me gojë dhe me shkrim bëhen brenda shtatë (7) ditëve.
5. Provimet vlerësohen nga një pyetës ose nga një komision për provime.
6. Provimet mund të mbahen nga një komision për provime nëse:
 - 6.1. studenti është ankuar me shkrim;
 - 6.2. është caktuar me programin e studimeve.
7. Procedura e mbajtjes së provimit është e përcaktuar me programin e studimit.
8. Mënyra e përcaktimit të dijes dhe të dhënies së provimit do të përcaktohet me programin mësimor të lëndës – syllabus.

Neni 107

1. Provimet për studimet bachelor dhe master mbahen gjatë afatit të provimeve.
2. Afatet e provimeve përlshijnë afatin e dimrit (janarit), pranverës (qershorit) dhe vjeshtës (shtatorit). Periudha e saktë për çdo afat është e përcaktuar me kalendarin e përgjithshëm të studimeve, i cili është i pranuar nga Senati dhe i hapur për publikun. Hollësitë rrëth datës së fillimit dhe përfundimit të secilit afat të provimeve përcaktohen nga këshillat e njësive akademike.
3. Oraret e afateve të provimeve, ku janë të përfshira oraret ditore, shpallen në fillim të vitit akademik.
4. Oraret e provimeve do të përcaktohen në atë mënyrë që studenti të mos ketë më shumë se një provim në ditë.

5. Oraret e provimeve, pasi të jenë shpallur, janë detyruese si për pyetësin ashtu edhe për studentin.

Neni 108

Provimet në studimet e doktoratës mund të mbahen gjatë gjithë vitit akademik sipas marrëveshjes individuale ndërmjet pyetësit dhe studentit.

Neni 109

1. Koha e paraqitjes së provimit do të fillojë jo më herët se gjashtë (6) javë para përfundimit dhe jo më vonë se tetë (8) ditë para fillimit të afatit të provimit.
2. Orari i provimit duhet të shpallet jo më vonë se tre (3) ditë para fillimit të afatit të provimit.
3. Në të gjitha rastet kur studenti mungon ose tërhiqet nga provimi, provimi konsiderohet që ka dështuar (është notuar me pesë (5)).
4. Me kërkësë të tij, studentit mund t'i lejohet nga dekani i njësisë akademike që të hyjë më herët në provim, po qe se merr pjesë në një program ndërkombëtar për shkëmbim të studimeve ose është duke bërë mësimin praktik jashtë vendit gjatë periudhës së caktuar për provim.

Neni 110

1. Studenti ka të drejtë t'i parashtrojë ankesë me shkrim dekanit të njësisë akademike kundër notës së marrë. Ankesa duhet të parashistrohet brenda dy (2) ditëve të punës pasi të jenë shpallur rezultatet.
2. Ankesa mund të bëhet për këto arsyet:
 - 2.1. për provimin me shkrim parashistrohet ankesë kundër notës së marrë me shkrim;
 - 2.2. për provimin me gojë parashistrohet ankesë kundër notës së marrë me gojë;
 - 2.3. për provimin e kombinuar me shkrim dhe me gojë:
 - 2.3.1. parashistrohet ankesë kundër notës së marrë me shkrim para hyrjes në provimin me gojë;
 - 2.3.2. parashistrohet ankesë kundër notës së marrë me gojë që nënkupton se është pranuar nota nga provimi me shkrim.
3. Pas pranimit me kohë të ankesës, dekani i njësisë akademike formon komisionin e provimit brenda një dite të punës pasi të jetë pranuar ankesa dhe emëron tre anëtarë, por pa pyetësin kundër notës së të cilit është ankuar studenti.

4. Në rast se përsëritet provimi me gojë, vlerësimi nga komisioni bëhet në ditën vijuese të punës pasi të jetë caktuar komisioni.
5. Në rast të ankesës kundër notës në provimin me shkrim, provimi me shkrim do të rishqyrtohet nga komisioni në ditën vijuese të punës pasi të jetë caktuar komisioni.
6. Nuk mund të parashtronhet ankesë kundër vlerësimit të komisionit.
7. Testet nga provimet lidhur me vlerësimin e studentëve ruhen se paku një (1) vit.

Neni 111

1. Studenti ka të drejtë të riprovohet në lëndën të cilën nuk e ka dhënë.
2. Sipas rregullës, studenti ka të drejtë të hyjë më së shumti tre (3) herë në provimin të cilin nuk e ka dhënë.
3. Studentit pasi të ankohet, me një arsyetim të fortë, mund t'i lejohet nga dekani i njësisë akademike që të hyjë në provim për të katërtën herë. Provimi pastaj mund të mbahet para komisionit prej tre anëtarësh të cilët janë të emëruar nga dekani i njësisë akademike.
4. Në rast se sërisht regjistrohet viti i njëjtë, nuk merret parasysh numri i mëparshëm i provimeve të dështuara të studentit.
5. Në rast se studenti dështon edhe për të katërtën herë në provim gjatë viti të përsëritur, ai humb statusin e studentit të rregullt për këtë lloj të studimeve.
6. Studenti mund të rifitojë statusin e studentit në qoftë se paraqitet në një program të ri të studimeve. Vendimi mbi rifitimin e statusit të studentit përcakton provimet dhe të tjera që i pranojnë studentit dhe detyrimet e studentit në programin e ri të studimeve.

Neni 112

1. Pas përfundimit të semestrit të fundit të rregullt të studimeve bachelor dhe master, studentit do t'i caktohet një periudhë prej dymbëdhjetë (12) muajve për t'i përfunduar provimet (periudha e diplomimit).
2. Studenti mund të kërkojë një (1) herë nga dekani i njësisë akademike për vazhdimin e periudhës së diplomimit edhe për dymbëdhjetë (12) muaj të tjera.

Neni 113 Punimi i diplomës për bachelor dhe master

1. Programet e studimeve bachelor përfundojnë me punimin e diplomës për bachelor ose me provim para komisionit në pajtim me programet e tyre të studimeve.

2. Punimi i diplomës për bachelor punohet individualisht nga studenti duke vërtetuar se aftësitë teorike të arritura gjatë kohës së studimit mund të shfrytëzohen me sukses për zgjidhjen e problemeve praktike në fushat e caktuara shkencore.
3. Punimi i diplomës për bachelor mund të elaborohet bashkë nga dy (2) ose tre (3) studentë - grup hulumtues ku duhet të shënohet qartë kontributi i secilit kandidat.
4. Kërkesa për elaborimin e punimit të diplomës për bachelor nga dy (2) ose tre (3) studentë vendoset nga këshilli i njësisë akademike.
5. Procedura për aplikim, elaborim, mbrojtje dhe vlerësim të punimit të diplomës për bachelor përcaktohet këshilli i njësisë akademike.

Neni 114

1. Programet e studimeve master përfundojnë me punimin e tezës për master në pajtim me programet e studimeve.
2. Punimi për master punohet individualisht nga studenti, duke vërtetuar se aftësitë teorike të arritura gjatë kohës së studimit mund të aplikohen me sukses për zgjidhjen e problemeve komplekse kërkimore në fushat e caktuara shkencore.
3. Punimi i diplomës për master elaborohet nga dy (2) ose tre (3) studentë - grupi kërkimor, ku duhet të shënohet qartë kontributi i secilit kandidat.
4. Aplikimi për elaborimin e punimit të diplomës për master nga dy (2) ose tre (3) studentë vendoset nga këshilli i njësisë akademike.
5. Procedura për paraqitje, elaborim, mbrojtje dhe vlerësim të punimit të diplomës për master përcaktohet nga këshilli i njësisë akademike.

Neni 115 Studimet e doktoratës

1. Studimet e doktoratës propozohen nga njësitë akademike ne fushat e tyre përkatëse dhe aprovohen ne Senat
2. Studimet e doktoratës mund të themelohen dhe të realizohen vetëm në ato fusha shkencore në të cilat institucion i përgjegjës ka kontratë të nënshkruar për marrëdhëniet pune të përhershme me më së paku gjysmën e numrit të mësimdhënësve dhe nëse ato fusha shkencore mund t'u përgjigjen kërkesave kërkimore, mësimdhënëse dhe atyre të punës të mentorëve në masë mbi dy të tretat (2/3) e nevojave.
3. Institucioni përgjegjës që organizon studimet e doktoratës duhet të ketë arritje të pranuara ndërkombëtare në kërkimet shkencore ose artistike, përkatesisht në krijimtarinë artistike.

4. Me qëllim të sigurimit të cilësisë dhe nxitjes së lëvizshmërisë së doktorantëve dhe të arsimtarëve, studimet e doktoratës janë të hapura për çdo formë të bashkëpunimit me institucionet e ngjashme brenda dhe jashtë vendit.

Neni 116

1. Në kuadër të studimeve të doktoratës formohet Këshilli i studimeve të doktoratës si këshill i përhershëm i Senatit të Universitetit.
2. Në kuadër të njësisë akademike - fakultetit që organizon studime të doktoratës, formohet këshilli i studimeve të doktoratës si këshill i përhershëm i Këshillit të fakultetit.
3. Përbërja e këshillave të studimeve të doktoratës rregullohet me Rregulloren për studimet e doktoratës të Universitetit.

Neni 117

Disertacioni i doktoratës është një punim shkencor i shkruar nga kandidati, i cili shtjellon në mënyrë originale dhe unike një apo më shumë tema përkatëse shkencore dhe i nënshtronet vlerësimi publik shkencor ose artistik.

Neni 118

1. Pranimi i studentëve në studimet e doktoratës bëhet nëpërmes konkursit publik të cilin e shpall Universiteti.
2. Të drejtë konkurrimi për regjistrim në studimet e doktoratës kanë:
 - 2.1. të diplomuarit me titullin akademik magjistër i shkencës përkatëse;
 - 2.2. të diplomuarit me titullin akademik master i shkencës dhe master i arteve.
3. Kushjet për pranim dhe kriteret për vlerësimin e kandidatëve në studimet e doktoratës më për së afërimi i caktos Senati i Universitetit në pajtim me këtë Statut dhe Rregulloren për studimet e doktoratës.

Neni 119

1. Studimet e doktoratës organizohen në gjashë (6) semestra.
2. Për studentët që kanë mbaruar magjistraturën shkencore, studimet zgjasin dy (2) vjet dhe magjistratura u ekivalentohet me sistemin e krediteve deri në një e treta (1/3) e numrit të përgjithshëm të krediteve të parapara.

Neni 120

1. Gjatë vitit të parë të studimeve të doktoratës, doktoranti propozon mentorin dhe temën.
2. Mentor i zgjidhet nga radhët e profesorëve të tregullt dhe profesorëve te asocuar të fushës së njëjtë shkencore, i cili duhet të ketë marrëdhënie të përgullt pune në Universitet. Përjashtimisht me kërkese te këshillit te njësisë akademike për mentor mund te angazhohet edhe mësimdhënëse me titull akademik profesor asistent nëse ka se paku tre (3) punime te botuara ne revista me recension ndërkombëtar ne lëmine te cilën e udhëheq doktorantin. Mund të propozohet edhe një bashkëmentor nga një Universitet tjetër.
3. Doktoranti fillon procedurën e paraqitjes së projektpozimit të temës së doktoratës me dorëzimin e fletëparaqitjes, e cila përmban shënimet personale të doktorantit, jetëshkrimin dhe listën e punimeve të doktorantit, titullin e temës së propozuar, të dhënat për mentorin e propozuar dhe kompetencat e tij, arsyeshmërinë e temës dhe pritet e kontributit shkencor original të hulumtimit të propozuar, vlerësimin e shpenzimeve të hulumtimit si dhe deklaratën se nuk ka paraqitur punim doktorate me të njëjtën temë në studime të tjera universitare, përkatësisht në ndonjë Universitet tjetër. Tema e punimit të doktoratës paraqitet në formular të Universitetit.
4. Këshilli i njësisë akademike, me propozim të Këshillit të studimeve të doktoratës, emëron komisionin për vlerësimin e temës dhe propozimin e mentorit në afat prej një muaji nga data e protokollimit të kërkesës së parashtruar. Ky komision përbëhet prej tre (3) anëtarësh, nga të cilët së paku një (1) anëtar nuk duhet të jetë mësimdhënës i studimeve në fjalë, e as i punësuar në njësinë akademike e cila është institucion përgjegjës i studimeve. Mentor i propozuar nuk mund të emërohet për kryetar të Komisionit.
5. Komisioni për vlerësimin e temës jep vlerësimin për kontributin shkencor original ose për kontributin artistik original dhe për zbatueshmërinë e kërkimit në pikëpamje financiare dhe organizative, si dhe bën propozimin e mentorit, më së largu një (1) muaj pas paraqitjes së kërkesës.
6. Këshilli i studimeve të doktoratës i njësisë akademike duhet doemos të shqyrtojë propozimin e komisionit për vlerësim të temës dhe propozim të mentorit në semestrin e tretë të studimeve të doktoratës.
7. Projektpozimi i punimit të doktoratës mblobet para Këshillit të studimeve të doktoratës të njësisë akademike, komisionit për vlerësim dhe mentorit të propozuar, pesëmbëdhjetë (15) ditë pas dorëzimit të raportit të komisionit për vlerësim.
8. Këshilli i njësisë akademike, me propozim të Këshillit të studimeve të doktoratës, ia propozon temën dhe mentorin për miratim Senatit të Universitetit. Senati duhet të vendosë rreth propozimit për disertacion brenda dy (2) muajve pas kërkesës. Vendimi mund:
 - 8.1. të pranojë propozimin original;
 - 8.2. të kërkojë nga kandidati që të zgjerojë apo ndryshojë temën;
 - 8.3. të kërkojë nga këshilli i njësisë akademike të propozojë tjetër mentor.

Neni 121

1. Kandidati për disertacion duhet t'ia dorëzojë këshillit të njësisë akademike punimin e kompletuar të doktoratës për vlerësim brenda tre (3) vjetëve nga dita kur është pranuar tema nga Senati i Universitetit. Kandidati paraprakisht duhet të siguroj pëlqimin dhe mendimin e mentorit, të shkruar dhe të nënshkruar për hulumtimin e kryer dhe kontributin e arritur shkencor origjinal.
2. Kandidati mund të kërkojë nga këshilli i njësisë akademike që t'i vazhdohet periudha e disertacionit ose e kërkimeve edhe për një (1) vit.
3. Në rast se kandidati nuk e dorëzon punimin e kompletuar të doktoratës për vlerësim brenda periudhës së rregullt ose të vazduar të disertacionit, konsiderohet se kandidati heq dorë nga tema e caktuar e disertacionit.

Neni 122

1. Pasi kandidati ta ketë dorëzuar disertacionin e kompletuar, këshilli i njësisë akademike në propozim të këshillit të studimeve të doktoratës, në afat prej një (1) muaji nga dita e dorëzimit të punimit për vlerësim, duhet të formojë komisionin në përbërje prej tre (3) anëtarëve për vlerësimin e punimit të doktoratës. Anëtarët e komisionit për vlerësimin e punimit të doktoratës patjetër duhet të kenë së paku titullin akademik profesor asistent.
2. Së paku një anëtar nuk duhet të jetë mësimdhënës në studime të doktoratës, e as i punësuar në fakultet i cili është institucion përgjegjës i studimeve, ndërsa sipas mundësive është i punësuar në ndonjë tjeter Universitet të Kosovës apo në ndonjë Universitet jashtë Kosovës. Mentor nuk mund të jetë anëtar i komisionit për vlerësimin e punimit.
3. Komisioni është i detyruar të bëjë një vlerësim të plotë të disertacionit brenda dy (2) muajve, duke përfshirë këtu raportin me shkrim dhe sugjerimin për vlerësim. Raporti i komisionit i drejtohet këshillit të njësisë akademike.
4. Këshilli i njësisë akademike, pas raportit të komisionit, vendos për:
 - 4.1. pranimin e disertacionit në versionin e ofruar;
 - 4.2. refuzimin e disertacionit për shkak të dështimit;
 - 4.3. kthimin prapa të disertacionit për plotësim apo për ndryshim.
5. Në rast se disertacioni kthehet për plotësim apo për ndryshim, këshilli i njësisë akademike cakton periudhën e përshtatshme që duhet të jetë periudhë prej më së paku dy (2) muaj dhe më së shumti gjashë (6) muaj.
6. Disertacioni i plotësuar apo i ndryshuar duhet t'i dorëzohet këshillit të njësisë akademike bashkë me mendimin e mentorit a mentorëve.

7. Me rastin e miratimit të raportit të komisionit për vlerësim, këshilli i njësisë akademike formon komisionin për mbrojtje të doktoratës. Komisioni për mbrojtje të punimit të doktoratës përbëhet nga tre (3) anëtarë. Komisioni për mbrojtje të punimit të doktoratës mund të jetë në përbërje të njëjtë si komisioni për vlerësimin e punimit të doktoratës.

8. Vendimi i këshillit të njësisë akademike për aprovimin e disertacionit duhet të ratifikohet nga Senati.

Neni 123

1. Pasi të jetë konfirmuar nga Senati aprovimi i disertacionit, brenda dy (2) muajve do të mbahet mbrojtja e disertacionit. Data e saktë caktohet nga dekani i njësisë akademike në pajtim me komisionin për disertacion.

2. Gjatë mbrojtjes publike të disertacionit do të mbahet procesverbali nga sekretari i komisionit i cili caktohet nga dekani i njësisë akademike.

Neni 124

1. Pas përfundimit të suksesshëm të mbrojtjes së disertacionit, kandidati fiton titullin akademik Doktor i shkencave (Dr. sc) apo ekivalente, siç definohet në Rregulloret e veçanta të nxjerra nga Senati.

2. Me propozimin e dekanit të njësisë akademike, ku kandidati mbrojti me sukses punimin e disertacionit, Rektori i jep gradën shkencore (thirrjen shkencore) në mënyrë ceremoniale.

3. Ceremonia do të jetë publike dhe formale. Procedura e ceremonisë do të përcaktohet me rregulla të veçanta të nxjerra nga Senati.

Neni 125

1. Dokumenti i diplomës së doktorit të shkencës përmban:

1.1. emrin e Universitetit;

1.2. emrin e njësisë akademike ku është mbrojtur punimi i disertacionit;

1.3. emrin, mbiemrin, datën dhe vendin e lindjes së kandidatit;

1.4. titullin e punimit të disertacionit;

1.5. datën e mbrojtjes së punimit të disertacionit.

2. Dokumenti i diplomës nënshkruhet nga Rektori dhe dekani i njësisë akademike ku është mbrojtur me sukses punimi i disertacionit.

3. Dokumenti i diplomës vërtetohet me vulën e Universitetit.

4. Forma dhe elementet tjera të dokumentit të diplomës do të përcaktohen në një Rregullore të veçantë të nxjerrë nga Ministria.

Neni 126

1. Titulli akademik Doktor shkencë mund të revokohet në rast të dëshmisë se:
 - 1.1. disertacioni nuk ka qenë punim i vetë kandidatit;
 - 1.2. disertacioni nuk ka qenë si rezultat i arritjes personale të kandidatit;
 - 1.3. disertacioni është i bazuar në pjesët relevante të rezultateve të mëparshme të botuara shkencore nga individët apo nga institucionet tjera;
 - 1.4. është plagjiat apo shkelje e të drejtës së autorit;
 - 1.5. është praktikë tjeter joetike.
2. Ankesa për revokim mund t'i parashtronhet këshillit të njësisë akademike nga ana e çdo individi apo institucioni, e mbështetur me të dhëna të hollësishme me shkrim.
3. Pas ankesës, këshilli i njësisë akademike formon një komision tre (3) anëtarësh nga profesorët e disiplinës së njëjtë shkencore me disertacionin.
4. Anëtarët e komisioneve të disertacionit të ankimuar nuk do të zgjedhen në këtë komision.
5. Komisioni paraqet një raport të vlerësimit në lidhje me arsyeshmërinë e ankesës dhe propozon procedura të mëtutjeshme brenda dy (2) muajve pasi të ketë filluar procedura.
6. Pas raportit dhe propozimit të komisionit, këshilli i njësisë akademike vendos të refuzojë apo të pranojë ankesën për revokim në mbledhjen e ardhshme.
7. Në rast se këshilli i njësisë akademike e pranon ankesën. Senati do të votojë për këtë vendim në mbledhjen e ardhshme. Doktori i shkencës në fjalë duhet të ftohet që të dëshmojë para Senatit.

Neni 127

Universiteti është përgjegjës që të mbajë shënimë për titujt e dhënë dhe të revokuar të doktoratës.

Neni 128

Senati nxjerr Rregullore lidhur me organizimin dhe realizimin e studimeve të doktoratës.

Neni 129
Titujt akademikë

Titujt akademikë jepen në pajtim me dispozitat e këtij Statuti dhe në pajtim me Ligjin mbi Arsimin e Lartë.

Neni 130

1. Senati me arsye dhe argumente të forta dhe me rekomandim të Rektorit, mund t'ia heqë titullin bartësit.
2. Arsyja dhe argumenti i fortë përmban:
 - 2.1. falsifikimin apo mashtrimin gjatë vlerësimit ose provimit;
 - 2.2. plagjiaturën apo shkeljen e të drejtës së autorit në përgatitjen e diplomës apo të punimit tjetër me shkrim;
 - 2.3. praktikë tjetër joetike.

Neni 131

1. Përfundimi i suksesshëm i studimeve në përputhje me programin e studimeve vërtetohet nga Universiteti përmes diplomës që është dokument zyrtar.
2. Forma dhe përbajtja e diplomës dhe shtojca e diplomës, si dhe procedura e lëshimit do të parashihet me një Rregullore të veçantë të Ministrisë.
3. Diploma nënshkruhet nga Rektori dhe dekani i njësisë akademike ku ka përfunduar studimi.

Neni 132
Njohja e studimeve

1. Në pajtim me rregullat e Konventës së Lisbonës mbi Njohjen dhe në pajtim me Rregulloret e veçanta të Ministrisë. Universiteti pranon kualifikimet titujt, diplomat, provimet e institucioneve të njohura a të licencuara vendore ose të huaja të arsimit të lartë.
2. Në pajtim me Udhëzimin administrativ të MASHT-it mbi parimet dhe procedurat e njohjes së diplomave të shkollave të larta profesionale dhe gradave universitare të situara jashtë Republikës së Kosovës, është kompetencë e Universitetit që të bëjë njohjen e diplomave të shkollave të larta profesionale dhe gradave universitare dhe të certifikatave të periudhave të caktuara të studimeve, me qëllim të vazhdimit të studimeve.
3. Në rast se i njihen kualifikimet, studenti ka të drejtë të vazhdojë studimet në Universitet.

Neni 133

1. Procedura e njohjes do të drejtohet nga zyrtari profesional i Administratës Qendrore të Universitetit.
2. Vendimi për njohjen e studimeve bazohet në informatat e nxjerra nga baza e të dhënave përkatëse evropiane dhe koordinohet me Këshillin Shtetëror për Njohje, e cila është përgjegjëse për aplikimin e Konventës së Lisbonës për Njohje.
3. Senati e autorizon Rektorin të bëjë njohjen për të gjitha rastet që janë të qarta.
4. Shënimet rrëth pranimit të kualifikimit do të mbahen nga Administrata Qendrore e Universitetit.

Neni 134

1. Në rastet e diskutueshme, kur të dhënat nuk janë të mjaftueshme për të marrë vendim, komisionit relevant të studimit duhet t'i drejtohet kërkesa për njohje dhe duhet të jepen këto informata:
 - 1.1. dosja komplete me të gjitha të dhënat;
 - 1.2. të dhënat në dispozicion dhe komentet rrëth rastit specifik nga Këshilli Shtetëror për njohje apo nga institucioni ekivalent.
2. Komisioni për studime i dorëzon Senatit raportin me propozim për vendim brenda dy muajve prej kur është dorëzuar kërkesa.
3. Vendimi i komisionit mund të jetë si vijon:
 - 3.1. njohje e plotë e diplomës nga jashtë;
 - 3.2. parashtrimi i listës së provimeve shtesë që kërcohët me qëllim të njohjes së plotë;
 - 3.3. refuzimi i kérkesës për shkak të mospërputhjeve kryesore në programet e studimit.

Neni 135 **Viti akademik**

1. Universiteti organizon studimet në pajtim me programet ekzistuese të studimit gjatë vitit akademik i cili zgjat dymbëdhjetë (12) muaj. Viti akademik fillon më 1 Tetor dhe mbaron më 30 Shtator.
2. Periudha aktive e studimeve, ligjëratat, ushtrimet, seminaret, kolokfiumet është e ndarë në dy semestra. Semestri dimëror që fillon më 1 Tetor dhe mbaron më 15 Janar. Semestri veror që fillon më 16 Shkurt dhe mbaron më 31 Maj.

3. Lënda mund të ligjerohet me javë pesëmbëdhjetë (15) javë semestri, gjatë një (1) apo dy (2) semestrave ose mund të mbahet si blok ligjératash në një semestër.

4. Kalendar i studimeve nxirret nga Senati më së voni deri më 31 Maj dhe përmban orarin e ligjératave - ligjératat, ushtrimet, seminaret, kolokumet, kushtet dhe afatet e provimit.

Neni 136

Senati nxjerr Rregullore rreth angazhimit dhe ngarkesës së përgjithshme të studentëve.

Neni 137 Gjuha e studimeve

1. Universiteti organizon studimet në gjuhën shqipe dhe në gjuhët tjera zyrtare të Kosovës.

2. Me vendimin e Senatit, me propozim të këshillit të njësisë akademike ligjératat mund të mbahen edhe në gjuhë të tjera.

3. Me propozimin e këshillit të njësisë akademike, Senati mund të vodos nëse programet e studimit do të ofrohen ekskluzivisht në gjuhë të huaj nëse ka argumente përkatëse, (promovimi i këmbimit akademik, situata në tregun e punës, interes i studentëve, orientimi akademik i mësimdhënësve) që i përkrahin këto masa dhe e favorizojnë zhvillimin akademik të Universitetit.

Neni 138 Ndërrimi i drejtimit të studimeve

1. Studenti mund të bëjë ndërrimin e programit të studimit duke perfunduar mësimin në një program të studimit dhe duke filluar mësimin në një program tjeter të studimit në njësinë e njëjtë apo në njësinë tjeter akademike të Universitetit.

2. Ndërrimi i programit të studimit është i mundur në mes programeve të studimit me qëllim të arritjes së nivelit të njëjtë të arsimit në pajtim me dispozitat e këtij Statuti.

3. Gjatë ndërrimit të programit të studimit, studentit i lejohet të fillojë programin e ri të studimit nëse së paku pesëdhjetë përqind (50%) e provimeve janë dhënë me sukses gjatë programit të vjetër të studimeve dhe që pranohen në programin e ri të studimeve.

4. Sipas paragrafit 3. të këtij nenit studentit i lejohet të regjistrohet në programin e ri të studimeve:

4.1. së paku në vitin e dytë të studimeve ose

4.2. në vitin e studimeve që vijon pas programit të vjetër të studimeve.

5. Ndërrimi i programit të studimit nuk mund të bëhet nëse studenti duhet sërisht të regjistrohet në vitin e parë të studimeve në programin e ri të studimeve në pajtim me paragrafin 3. dhe 4. të këtij neni.

Neni 139

1. Studenti duhet t'ia dorëzojë kërkesën për ndërrimin e programit të studimit komisionit për studime të njësisë akademike ku dëshiron të vazhdojë studimet. Bashkëngjitur me kërkesën duhet të jetë evidenca për plotësimin e suksesshëm të kërkesave bazuar në programin e mëparshëm të studimit.
2. Komisioni i studimeve përcakton detyrimet individuale për ndërrimin e programit të studimit në pajtim me rregullat e caktuara të programit të studimit.
3. Vendimi për ndërrimin e programit të studimit duhet të merret nga këshilli i njësisë akademike me propozimin e komisionit të studimeve.
4. Ankesa kundër vendimit mbi refuzimin e ndërrimit të programit të studimit duhet t'i bëhet këshillit të njësisë akademike nga studenti, brenda tetë (8) ditëve të punës pas publikimit të vendimit.

Neni 140

Gjatë ndërrimit të programit të studimit prej një Universiteti në Universitet tjetër, vlefjnë rregullat e njëjta si ato gjatë ndërrimit të programit të studimit brenda Universitetit.

Neni 141 Studentët- statusi, të drejtat dhe përgjegjësitet

1. Personi i regjistruar në Universitet e ka statusin e studentit.
2. Statusi i studentit vërtetohet me librezën e studentit (indeksi apo karta e studentit).
3. Përbajtja dhe forma e indeksit përcaktohen me Rregullore të veçantë të nxjerrë nga Senati.

Neni 142

1. Universiteti ofron dy (2) mënyra të studimit:
 - 1.1. studimetë rregulla;
 - 1.2. studime me korresponcë;
2. Studenti mund të ketë statusin e :

- 2.1. studentit tē rregullt;
- 2.2. studentit me korresponcē;
- 2.3. studentit mysafir.

Neni 143

1. Studentët që janë tē pranuar në Universitet kanë tē drejtë:
 - 1.1. tē marrin pjesë nē tē gjitha ligjératat, seminaret dhe nē mësimet e organizuara nē lëndët e programit tē zgjedhur tē studimit sipas mbarëvajtjes së studimeve;
 - 1.2. tē shfrytëzojnë Bibliotekat universitare dhe shërbimet tjera pér studentë;
 - 1.3. tē marrin pjesë nē zgjedhjet pér përfaqësuesit studentë nē organet universitare, tē marrin pjesë rregullisht nē mbledhjet e organeve dhe komisioneve ku janë tē caktuar si anëtarë dhe t'i kryejnë detyrat e tillë me angazhim dhe nē mënyrë tē singertë. Në rast tē konfliktit tē interesit nē lidhje me përbajtjen, anëtarët e deleguar tē studentëve nuk marrin pjesë nē takime tē organeve qeverisëse tē Universitetit;
 - 1.4. studentët gëzojnë tē drejtën pér tē paraqitur ide tē reja dhe opinione tē debatueshme pa rrëzikuar humbjen e statusit tē studentit ose privilegjet që mund tē gëzojnë nga Universiteti;
 - 1.5. studentët kanë tē drejtë tē ankohen lidhur me cilësinë e procesit tē mësimdhënies ose pér infrastrukturën e Universitetit;
 - 1.6. studentët gëzojnë tē drejtën pér tē kundërshtuar një vendim apo një veprim tē Universitetit ndaj tyre nē Ministri dhe nē gjykatën kompetente.

Neni 144

1. Studentët që janë tē pranuar në Universitet kanë detyrim:
 - 1.1. t'i respektojnë Rregulloret e lëshuara nga Universiteti;
 - 1.2. t'i respektojnë tē drejtat e personelit dhe tē studentëve tē tjere;
 - 1.3. t'u kushtojnë vëmendje tē duhur siudimeve tē tyre dhe tē marrin pjesë nē aktivitetet akademike;
 - 1.4. tē vijojnë ligjératat nē pajtim me rregullat e programit specifik tē studimeve;
 - 1.5. tē sillen mirë nē lokalet e Universitetit ashtu edhe jashtë tyre pér tē mos e diskredituar Universitetin;
 - 1.6. tē respektojnë rregullat e kodit etik;

1.7. të kryejnë pagesa dhe tarifa që janë të caktuara.

Neni 145

1. Përfundimi me sukses i vitit në pajtim me programin e studimit është parakusht që studenti të regjistrohet në vitin tjetër.
2. Studenti i cili nuk ka mundur të përfundojë me sukses vitin duhet sërisht të regjistrohet në vitin e njëjtë të studimeve.
3. Numri maksimal i viteve të regjistruarar sërisht është i barabartë me numrin e viteve të rregullta të studimit përkatës.

Neni 146

1. Studenti i rregullt humb statusin përkëto arsyet:
 - 1.1. kur vendos të largohet nga studimet;
 - 1.2. kur i ka përfunduar studimet;
 - 1.3. kur dështon të regjistrohet në vitin akademik;
 - 1.4. kur nuk i ka përfunduar studimet në periudhën e dyfishtë të kohëzgjatjes së studimeve;
 - 1.5. kur arrin numrin maksimal të regjistrimit të sërishtëm të viteve pa i përfunduar me sukses studimet;
 - 1.6. në rastin e përjashtimit, në bazë të vendimit të nxjerrë pas procedurës disiplinore.
2. Studenti mund të kërkojë një herë që l'i vazhdohet kohëzgjatja e studimeve përnjë (1) apo dy (2) vite. Vendimin e merr këshilli i njësisë akademike. Në rast se merret vendim pozitiv, studenti do ta ketë sërisht statusin e studentit të rregullt.
3. Këshilli i njësisë akademike zbaton rregullat e posaçme përmajtjen e statusit të studentit të rregullt në këto raste:
 - 3.1. për të arriturat e veçanta në lëshën e sportit, vërtetuar me status amator apo profesional në nivel rajonal apo më lart;
 - 3.2. për të arriturat e veçanta si krijues artistik i njohur, vërtetuar me reagimin relevant të mediave dhe konfirmuar nga Këshilli i Fakultetit të Arteve;
 - 3.3. për personat me nevoja te veçanta, te vërtetuar me certifikatë të konziliumit mjekësor. Vendimi për regjistrim merret për çdo vit nga këshilli i njësisë akademike.

4. Studenti mund tē kérkojë suspendim tē pérkohshém nga statusi i studentit tē rregullt nē rastet e dëshmuara si tē:

- 4.1. sëmundjes së rëndë;
- 4.2. kujdesi pér fëmijët nën moshën trevjeçare;
- 4.3. shtatzënësisë dhe lehonisë;
- 4.4. tjera tē justifikuara, vendimin përfundimtar e merr dekani i njësisë akademike.

Neni 147

1. Statusi i studentit tē rregullt mbahet brenda dy (2) viteve pasi tē kenë përfunduar të gjitha provimet. Gjatë kësaj kohe studenti duhet tē japë provimin e diplomës që t'i përfundojë me sukses studimet.

2. Studenti që e ka tejkaluar kohën e paraparë pér tē përfunduar me sukses diplomën mund tē paraqesë kérkesë te dekani i njësisë akademike pér zgjatjen e kësaj periudhe edhe pér një (1) vit.

Neni 148

1. Studenti mund tē regjistrohet sërih si student i rregullt pa ndonjë pengesë nē lidhje me periudhën e suspendimit tē pérkohshém tē statusit tē studentit tē rregullt nē bazë tē këtij Statuti. Periudha e suspendimit tē pérkohshém tē statusit tē studentit tē rregullt nē bazë tē këtij Statuti, nuk llogaritet nē kohëzgjatje e studimeve.

2. Në qoftë se planprogrami valid nē kohën e regjistrimit tē parë tē studentit nuk zhvillohet nē vitin vijues tē regjistrimit tē studentit pas suspendimit tē pérkohshém tē statusit tē studentit tē rregullt nē bazë tē këtij Statuti, komisioni i studimeve i njësisë akademike vendos pér provimet diferencale ose pér obligimet tjera shtesë si kusht pér vazhdimin e studimeve.

Neni 149

1. Këshilli i njësisë akademike i përjashton nga Universiteti përgjithmonë ose pérkohësishi studentët që i shkelin rëndë rregullat. Studentët e akuzuar pér shkelje kanë tē drejtë të dëgjojnë nga komisioni disiplinor i cili e këshillon këshillin e njësisë akademike. Studentët e përjashtuar kanë tē drejtë t'i ankohen komisionit tē ankesave nē nivel tē njësisë akademike si shkallë e dytë.

2. Rregulloret që i elaborojnë këto procedura nxirren nga Këshilli drejtues pasi tē jenë konsultuar me parlamentin e studentëve.

Neni 150

1. Studentët kanë të drejtë të ankohen kundër vendimit të marrë prej organeve të Universitetit, të njësive akademike dhe njësive organizative që kanë të bëjnë me të drejtat dhe detyrimet e tyre.
2. Ankesat e tillë i dorëzohen komisionit të studimeve të njësisë akademike brenda pesëmbëdhjetë (15) ditëve të punës pas shpalljes së vendimit.
3. Komisioni i studimeve është i obliguar t'ia dorëzojë raportin për vendimin e marrë këshillit të njësisë akademike brenda tridhjetë (30) ditëve të punës pas pranimit të ankesës.
4. Ankesa rreth vendimit në shkallë të dytë vendoset nga Senati.
5. Studentët kanë të drejtë të kundërshtojnë vendimin e Senatit në gjykatën kompetente.

Neni 151 Mobiliteti i studentëve

1. Në pajtim me programin e studimeve, studenti mund të zgjedhë dhe të registroj lëndë të caktuara në njësitë tjera akademike të Universitetit në qoftë se lënda e zgjedhur nuk zhvillohet në fakultetin ku është i regjistruar studenti.
2. Regjistrimi i lëndës mund të bëhet me lejen e njësisë akademike ku është i regjistruar studenti dhe me pajtimin e njësisë akademike ku studenti e regjistron lëndën.
3. Me rastin e lejimit, studentit i jepet vërtetimi mbi lejimin për regjistrim të lëndës së caktuar dhe lartësia e ECTS kredive që do të fitohen me përfundimin e lëndës. ECTS kreditë e fituara do ti llogariten në programin e studimeve të studentit.
4. Në dokumentin zyrtar të studentit shënohen të dhënat për lëndën e regjistruar, përbushja e detyrimeve të studentit dhe suksesi i treguar. Për ECTS kreditë e fituara studentit i lëshohet dëshmi nga njësia akademike ku studenti i ka fituar ato.
5. Mobiliteti ndërkombëtar i studentëve dhe në mes të Universitetetve në Kosovë rregullohet me akt të veçantë të Universitetit. Me këtë akt dhe me marrëveshje me Universitetin prej nga vjen studenti vizitor do të rregullohen edhe të drejtat dhe detyrimet e studentëve vizitor, pagesat për studime dhe çështje tjera lidhur me studentin vizitor.

Neni 152 Organizimi i studentëve

1. Studentët kanë të drejtë të themelojnë organizata studentore të cilave mund t'i përkasin të gjithë studentët.
2. Secila organizatë studentore ka statutin e vet që aprovohet nga anëtarët e saj në pajtim me Rregulloret e përgjithshme të nxjerra nga Këshilli drejtues. Statuti do të përfshijë parimet përmundësi të barabarta dhe mosdiskriminim.

Neni 153

1. Interesat e studentëve do të përfaqësohen në kuadër të Universitetit me këto organe:

- 1.1. parlamenti i studentëve në nivel të Universitetit;
- 1.2. këshilli i studentëve në nivel të njësisë akademike.

Neni 154

1. Anëtarët për Parlamentin e studentëve dhe këshillat e studentëve do të zgjedhen në pajtim me procedurat për zgjedhje parlamentare.

2. Organizatat studentore kanë të drejtë të propozojnë anëtarët për parlamentin e studentëve dhe këshillin e studentëve të njësive akademike në bazë të rezultateve të zgjedhjeve në çdo dy (2) vjet.

3. Detajet për procedurën zgjedhore do të përcaktohen me Rregullore të posaçme të nxjerra nga Këshilli drejtues në konsultim me Parlamentin e studentëve.

4. Limiti për nominimin e anëtarëve të organizatave studentore është:

- 4.1. tre përqind (3%) i numrit të përgjithshëm të votave në nivel të njësisë përkatëse akademike për këshillat e studentëve të njësive akademike;
- 4.2. pese perqind (5%) i numrit të përgjithshëm të votave për parlamentin e studentëve.

5. Mandati i anëtarëve të Parlamentit të studentëve dhe këshillit të studentëve të njësive akademike zgjat dy (2) vjet, pa të drejte të rizgjedhjes.

6. Parlamenti i studentëve dhe këshillat e studentëve të njësive akademike ushtrojnë detyra në bazë të parimit të shumicës votave.

Neni 155

1. Parlamenti i studentëve është organi më i lartë i përfaqësimit të studentëve.

2. Numri i tërësishëm i anëtarëve të parlamentit të studentëve është nëntë (9).

3. Anëtarët propozohen nga organizatat studentore në bazë të numrit të përgjithshëm të votave të arritura në zgjedhjet e studentëve dhe sipas listave prioritare të kandidatëve të publikuara nga secila organizatë studentore në fillim të fushatës zgjedhore.

4. Anëtarët e Parlamentit të studentëve zgjedhin kryetarin dhe nënkyetarin.

5. Këshilli drejtues nxjerr Rregulloren e punës për Parlamentin e studentëve.
6. Parlamenti i studentëve zgjedh anëtarët e Senatit nga lista e të propozuarve e përgatitur nga këshilli i studentëve i njësisë akademike. Kryetari i Parlamentit të studentëve është anëtar ex-officio nga numri i përgjithshëm i anëtarëve studentë të Senatit.

Neni 156

1. Këshillat e studentëve janë organet e përfaqësimit të studentëve në secilën njësi akademike.
2. Numri i përgjithshëm i anëtarëve të secilit këshill të studentëve është një perqind (1%) e numrit të përgjithshëm të studentëve të rregullt të regjistruar në atë njësi akademike, me më së paku pesë (5) dhe më së shumti njëzet e një (21) anëtarë.
3. Anëtarët do të propozohen nga organizata studentore në bazë të numrit të përgjithshëm të votave të arritura gjatë zgjedhjeve të studentëve për secilën njësi akademike sipas listave prioritare të kandidatëve të publikuara nga organizata studentore në fillim të fushatës zgjedhore.
4. Anëtarët e secilit këshill të studentëve zgjedhin një (1) kryetar dhe një (1) nënkryetar.
5. Këshilli drejtues nxjerr Rregulloren e punës për këshillat e studentëve.
6. Secili këshill i studentëve propozon listën me tre (3) kandidatë për anëtarë studentë të Senatit për t'u zgjedhur nga Parlamenti i studentëve.
7. Këshilli i studentëve i secilës njësi akademike zgjedh anëtarët studentë të këshillit të njësisë akademike. Kryetari i këshillit të studentëve është anëtar ex-officio nga numri i përgjithshëm i anëtarëve student të këshillit të fakultetit.

Neni 157

Këshilli drejtues ndan buxhet të përshtatshëm vjetor për veprimtarinë e Parlamentit të studentëve dhe këshillave të studentëve te propozuar nga Parlamenti i studentëve.

Neni 158

Studentët kanë të drejtë përtubime paqësore.

Neni 159

Studentët kanë të drejtë të formojnë asociacione profesionale apo shoqata për çfarëdo qëllimi të lejuar me Ligjin për Arsimin e Lartë.

Neni 160
Kërkimet shkencore dhe dija

1. Universiteti bën kërkime shkencore dhe punë artistike me qëllim të:
 - 1.1. zhvillimit të vazhdueshëm të procesit arsimor;
 - 1.2. njohjes së studentëve me kërkimet shkencore dhe me punën artistike;
 - 1.3. vazhdimit të zhvillimit shkencor - profesional dhe artistik të të rinjëve;
 - 1.4. themelimit të rrjetit ndërkombëtar të studiuesve dhe artistëve;
 - 1.5. përgatitjes dhe paraqitjes së projekteve studimore dhe artistike ndërdisiplinare konkurruese.
2. Kërkimet shkencore bëhen nga njësitë akademike të Universitetit në dy mënyra:
 - 2.1. nga kërkimet themelore pa përdorim të menjëhershëm praktik;
 - 2.2. nga kërkimet e aplikuara që janë në lidhje të ngushtë me nevojat dhe interesin publik.
3. Kërkimet shkencore dhe krijimtaria artistike bëhen sipas këtyre kushteve themelore:
 - 3.1. përmes fondeve publike të siguruara nga Universiteti;
 - 3.2. përmes fondeve private nga kontraktorët individualë me palën e tretë.

Neni 161

1. Universiteti është i detyruar t'u ofrojë kushte të përshtatshme për kërkime shkencore dhe për krijimtari artistike dhe t'i mundësojë personelit akademik të arrijë rezultate konkurruese në nivel ndërkombëtar.
2. Personeli i stafit akademik të Universitetit është i obliguar të bëjë kërkime shkencore dhe punë krijuese në përputhje me aftësitë e tyre profesionale dhe obligimet që dalin nga udhëzimet strategjike të Senatit si dhe të këshillave të njësive përkatëse akademike.
3. Vlerësimi individual i punës artistike dhe kërkimit shkencor do të merret parasysh në vlerësimin profesional dhe në ngritjen profesionale.

Neni 162

1. Kërkimet shkencore dhe krijimtaria artistike bëhen brenda objekteve të Universitetit.

2. Me propozimin e këshillit të njësisë akademike Rektori mund t'i japë leje personelit akademik të kryej kërkime dhe punë krijuarë në lokacionet e caktuara jashtë Universitetit dhe të marrë pjesë në projektet e përbashkëta me institucionet tjera.

Neni 163

1. Shtrirja dhe rezultatet e aktiviteteve kërkimore-shkencore dhe të punës krijuarë do të raportohen individualisht për çdo vit nga një punonjës akademik para këshillit të njësisë akademike.
2. Çdo njësi akademike duhet të paraqesë për çdo vit profilin e kërkimit shkencor dhe të punës artistike para Rektorit dhe Senatit.
3. Të gjitha të dhënat sa i përket kërkimeve shkencore dhe punës artistike, siç është e caktuar në këtë Statut, duhet të mblidhen si shënim statistikore të standardizuara dhe të ruhen në një bazë qendrore të të dhënave, të mundësuar nga Rektorati.

Neni 164

1. Profesorët e Universitetit kanë të drejtë të kërkojnë nga Senati që t'u lejohet një vit i lirë i kërkimeve të fokusuarë në një Universitet të huaj.
2. Vendimi pozitiv i kërkimeve të fokusuarë për një vit kërkon:
 - 2.1. paraqitje për projektin kërkimor;
 - 2.2. së paku pesë (5) vjet angazhim të plotë në mësimdhënie dhe kërkime;
 - 2.3. kompetencë të dëshmuar shkencore dhe njohje brenda komunitetit shkencor ndërkombëtar;
 - 2.4. ftesë për kërkime shkencore nga një institut i ndonjë Universiteti të huaj.
3. Gjatë vitit të liruar, i punësuari do të marrë pagën e plotë.
4. Pas vitit të kërkimeve të fokusuarë, i punësuari ka të drejtë të kthehet në pozitën e njëjtë të punës me kushtë të njëjtë si më parë.

Neni 165 Punonjësit e Universitetit Stafi akademik dhe joakademik

1. Vendet e punës bazohen në kontratat me normë të plotë dhe kontratat me gjysmë normë.
2. Këshilli drejtues nxjerr Rregullore të veçanta për kontratat kolektive për personelin akademik dhe joakademik në përputhje me ligjet në fuqi.

Neni 166

1. Personeli në marrëdhënie të rregullt pune nuk mund të ketë kontratë tjetër të punësimit me normë të plotë në ndonjë universitet tjetër.
2. Personeli në marrëdhënie të rregullt pune, i cili mund të jetë i angazhuar, zgjedhur apo emëruar në ndonjë institucion tjetër publik nuk ka të drejtë për t'u zgjedhur në organe drejtuese, por ka të drejtë për të zgjedhur.

Neni 167

1. Në stafin akademik të Universitetit do të jenë personat e angazhuar në:
 - 1.1. mësimdhënie akademike;
 - 1.2. kërkime shkencore;
 - 1.3. krijimtari artistike.
2. Personeli akademik përbëhet nga:
 - 2.1. profesorët e rregullt;
 - 2.2. profesorët e asocuar;
 - 2.3. profesorët asistentë;
 - 2.4. asistent Universiteti;
 - 2.5. lektorët dhe korepetitorët (Fakulteti i Arteve).
3. Shkurtesat zyrtare për personelin akademik janë:
 - 3.1. profesor i rregullt – Prof. Dr.;
 - 3.2. profesor i asocuar – Prof. Asoc. Dr.;
 - 3.3. profesor asistent – Prof. Ass. Dr.;
 - 3.4. asistent Universiteti – Ass.

Neni 168

1. Në personelin joakademik të Universitetit do të jenë personat që angazohen për:
 - 1.1. detyra udhëheqëse dhe profesionale;
 - 1.2. administratë;

1.3. punë teknike.

2. Përgjegjësitë dhe kualifikimet e veçanta për çdo post përcaktohen me përshkrimin e punës në përputhje me legjislacionin në fuqi.

Neni 169

1. I gjithë personeli akademik emërohet nga Rektori sipas vendimit të Senatit i bazuar në propozimin e këshillit të njësisë akademike.
2. Nëse propozimi refuzohet, ai i kthehet për rishqyrtim këshillit të njësisë akademike.
3. Nëse këshilli i njësisë akademike edhe pas rishqyrtimit sjellë të njëtin propozim, Senati merr vendim përfundimtar.
4. Procedurat për emërim bëhen në mënyrë transparente me shpalljen e konkursit publik për postin.
5. Të gjitha emërimet bëhen pasi t'i shqyrtojë dokumentacionin e aplikimit komisioni vlerësues i formuar nga këshilli i njësisë akademike me propozimin e degës – departamentit. Komisioni vlerësues bën vlerësimin e kandidatëve të cilët konsiderohen që kanë përmbusur kushtet për postin e ofruar.
6. Komisioni vlerësues i raporton këshillit që e ka formuar, në afat të caktuar.
7. Askush nuk mund të jetë anëtar i komisionit vlerësues nëse është bashkëshort, partner ose anëtar i familjes së ngushtë të kandidatit që duhet të emërohet.
8. Çështje tjera për procedurat vlerësuese përcaktohen me rregullat e nxjerra nga Senati në pajtim me këtë Statut.

Neni 170

Kushtet për emërimin dhe avancimin në çfarëdo titulli të personelit akademik janë kualifikimet përkatëse dhe përvojat relevante për vendin e punës.

Neni 171

1. Për titullin e profesorit të irregullt të njësisë akademike, kandidati duhet të ketë këto kualifikime:
 - 1.1. të ketë gradën e doktorit të shkencës (ekuivalente me të në Fakultetin e Arteve);
 - 1.2. të tregojë nivel të lartë dhe kompetencë akademike e përvojë shkencore përlindën që dëshmohet me:

- 1.2.1. një numër të rëndësishëm të monografive, teksteve mësimore, publikimeve në revista ndërkombëtare shkencore ose artistike me së paku pesë (5) punime kryesore të publikuara në revista shkencore ose artistike ndërkombëtare si autor i parë ose korrespondent;
 - 1.2.2. pjesëmarrje aktive në konferencat kombëtare dhe ndërkombëtare;
 - 1.2.3. krijime ose punime të njoitura artistike ose të ketë pasur prezentime publike dhe të ketë kontribuar kur është rasti i Fakultetit të Arteve, në mënyrë të veçantë duhet të ketë kontribuar në zhvillimin e kulturës dhe të artit;
 - 1.2.4. përvojë afatgjate në projekte të kërkimeve themelore dhe të aplikueshme;
 - 1.2.5. aftësi të lartë arsimore dhe pedagogjike përmes praktikës së arsyeshme;
 - 1.2.6. aftësi për udhëheqje akademike;
 - 1.2.7. udhëheqje të temave master dhe të doktoratës.
2. Të gjitha emërimet për tituj si dhe kohëzgjatja e punësimit bëhen për kohë të pacaktuar.

Neni 172

1. Për titullin e profesorit të asocuar kandidati duhet t'i plotësojë këto kushte:
 - 1.1. të ketë thirrjen e doktorit të shkencës (ekuivalente me të në Fakultetin e Arteve);
 - 1.2. të ketë një numër të zgjedhur të monografive, publikimeve në revista ndërkombëtare shkencore ose artistike, me së paku tre (3) punime kryesore të publikuara në revista ndërkombëtare si autor i parë ose korrespondent;
 - 1.3. të ketë krijuar punime të vërteta artistike ose të ketë pasur prezentime publike, kur është rasti për Fakultetin e Arteve;
 - 1.4. të tregojë aftësi për mësimdhënie;
 - 1.5. të dëshmojë punë, dije dhe mjeshtri në lëndën e fushës përkatëse.
2. Të gjitha emërimet për tituj si dhe kohëzgjatja e punësimit është për katër (4) vite.

Neni 173

1. Për titullin e profesorit asistent kandidati duhet t'i plotësojë këto kushte:
 - 1.1. të ketë gradën e doktorit të shkencës, (në Fakultetin e Arteve ekuivalente me të);

- 1.2. tē ketē numër tē zgjedhur tē monografive dhe publikimeve tē shqyrtuara nē revista ndërkombëtare shkencore ose artistike me së paku një punim kryesor tē publikuar dhe tē shqyrtuar nē revista ndërkombëtare si autor i parë ose korrespondent;
 - 1.3. tē ketē krijuar punime artistike ose tē ketē pasur prezentime publike, kur është fjala pér Fakultetin e Arteve;
 - 1.4. tē tregojë aftësi pér mësimdhënien.
 - 1.5. tē ketē së paku tre (3) vite përvojë pune nē procesin mësimor nē Universitet.
2. Tē gjitha emërimet pér tituj si dhe kohëzgjatja e punësimit është pér katër (4) vite.

Neni 174

1. Pér titullin e asistentit kandidati duhet t'i plotësojë këto kushte:
 - 1.1. tē ketë tē përfunduar me sukses studimet master nē drejtimin përkatës;
 - 1.2. tē jetë jo më i vjetër se njëzet e tetë (28) vjet kur emërohet pér herë tē parë;
 - 1.3. tē jetë i regjistruar nē studimet e doktoratës nē Universitet me rastin e rizgjedhjes;
 - 1.4. te ketë notën mesatare nē studimet bachelor dhe master jo më pak se tetë (8), nē secilën prej këtyre studimeve.
2. Tē gjitha emërimet si dhe kohëzgjatja e punësimit zgjat tre (3) vite.
3. Asistentët mbajnë orët e ushtrimeve nē studimet bachelor dhe master.
4. Përjashtimi asistenti që është rizgjedhur, nē mungesë tē profesorit pér lëndën, mund tē autorizohet pér mbajtjen e ligjératave tē kufizuara nē studimet bachelor me autorizimin e këshillit të njësisë akademike dhe nën mbikëqyrjen e një mësimdhënësi nga departamenti - katedra.

Neni 175

1. Pér titullin e lektorit tē gjuhëve tē huaja, kandidati duhet t'i plotësojë këto kushte:
 - 1.1. tē ketë tē përfunduar me sukses studimet master nē gjuhën e zgjedhur;
 - 1.2. tē ketë aftësi tē shkëlqyeshme tē gjuhës së zgjedhur;
 - 1.3. tē ketë notën mesatare tē studimeve bachelor dhe master jo më pak se tetë (8), nē secilin prej këtyre studimeve.
2. Lektorët nē fakultetet e tjera pos nē fakultetin amë, i kanë tē gjitha tē drejtat dhe obligimet pér mbajtjen e ligjératave.

3. Për titullin e korepetitorit, kandidati duhet t'i plotësojë këto kushte:

3.1. të ketë të përfunduar me sukses studimet master, drejtimi i pianos ose ndonjë instrumenti tjeter;

3.2. të ketë notë mesatare jo më pak se tete (8), në secilin prej këtyre studimeve;

4. Të gjitha emërimet për tituj si dhe kohëzgjatja e punësimit janë për tre (3) vite.

Neni 176

Rregulloret shtesë rrëth kualifikimit të posaçëm të personelit akademik të fakultetit përkatës do të nxirren nga Senati me propozimin e këshillit përkatës të njësisë akademike dhe në pajtim me dispozitat e këtij Statuti.

Neni 177

1. Profesorit të pensionuar të njësisë akademike mund t'i caktohet titulli ‘Profesor Emeritus’ nga Senati me propozimin e këshillit të fakultetit përkatës dhe me përkrahjen e së paku dy (2) këshillave të njësive akademike.

2. Kandidati për titullin “Profesor Emeritus” dallohet nga arritjet e veçanta akademike dhe shkencore gjatë periudhës së aktivitetit të tij. Kualifikimet e tij konsiderohen të pazëvendësueshme për një periudhë afatmesme nga ana e njësisë akademike. Kjo nevojë duhet të detajizohet nga komisioni i studimeve i njësisë akademike.

3. “Profesor Emeritus” do të ketë të drejtën të jap mësim dhe të merret me punë shkencore në pajtim me kualifikimet e tij dhe kërkesat e njësisë së veçantë akademike deri në moshën shtatëdhjetë (70) vjeçare.

4. Çështjet tjera rrëth të drejtave dhe përgjegjësive të “Profesorit Emeritus” caktohen me kontratë individuale të lidhur nga Rektori me propozimin e dekanit të njësisë së veçantë akademike.

5. Ne rast nevoje, me kërkesë te arsyetuar mire nga njësia akademike Rektori i Universitetit mund te angazhoje staf akademik ne proces mësimor dhe hulumtues deri në moshën shtatëdhjetë (70) vjeçare.

Neni 178

Këshilli drejtues me propozimin e Senatit do të nxjerë Rregulloret e kodit etik të punonjësve të Universitetit.

Neni 179

1. Përgjegjësitë disiplinore të të punësuarve në Universitet dhe masat që duhet të ndërmerrin, përcaktohen me Rregulloret e nxjerra nga Këshilli drejtues.
2. Procedurat dhe kushtet për revokimin e tituve, suspendimin apo ndërprerjen e marrëdhënieve të punës së stafit, përcaktohen me Rregullore të posaçme të nxjerra nga Këshilli drejtues pasi të jetë konsultuar me Senatin.

Neni 180 Të drejtat dhe përgjegjësitë e personelit

1. Personeli akademik ka lirinë e shprehjes. Ata kanë lirinë të pyesin dhe testojnë njohuritë e marra dhe të shprehin idetë e reja, mendimet kundërshtuese, pa e vënë veten në rrezik me humbjen e punës apo çfarëdo privilegji që mund të kenë me Universitetin.
2. Personeli akademik ka lirinë që të publikojë rezultatet e punës së tyre kërkimore dhe krijuese, që kushtëzohet me Rregulloret e këtij Statuti që ka të bëjë me përdorimin e të drejtave të pronës intelektuale për dobi të Universitetit.

Neni 181

1. Personeli akademik i Universitetit është i obliguar të respektojë:
 - 1.1. fryshtësimi e humanizmit;
 - 1.2. autonominë e Universitetit;
 - 1.3. lirinë e kreativitetit shkencor e artistik;
 - 1.4. aktet universitare dhe vendimet e bazuara në to;
 - 1.5. parimet e ndershmërisë profesionale dhe shkencore;
 - 1.6. kodin etik;
 - 1.7. reputacionin e Universitetit dhe ta përmirësoj atë.

Neni 182

1. Personeli akademik i Universitetit gjatë procesit arsimor është i obliguar t'i përmbush këto detyra:
 - 1.1. të përgatis dhe ofrojë mësimet, seminaret, ushtrimet dhe format e tjera të ligjërata;

- 1.2. të përgatis tekstet universitare dhe literaturën e përshtatshme për studime brenda strukturës së lëndës;
- 1.3. të mbikëqyrë punimet seminarike, punimet e diplomës për bachelor dhe master, punimet e disertacionit të doktoratës dhe punët tjera kërkimore të studentëve;
- 1.4. të sigurojë mbajtjen pa pengesë të provimeve gjatë afatit të caktuar të provimeve.

Neni 183

1. Personeli duhet të marrë pjesë rregullisht në mbledhjet e organeve dhe komisioneve ku janë të caktuar si anëtarë dhe t'i kryejnë detyrat e tillë me përkushtim dhe singjeritet.
2. Në rast të konfliktit të interesit në lidhje me përmbajjen, anëtarët e deleguar të punëtorëve nuk marrin pjesë në takime të organeve qeverisëse të Universitetit.

Neni 184

Personeli ka të drejtën e tubimit paqësor dhe të drejtën e formimit të sindikatës, të bashkimit të stafit apo bashkimit profesional për t'i përfaqësuar interesat e tyre kolektive para autoritatetave të Universitetit dhe për qëllime të tjera të parapara me Ligjin për Arsimin e Lartë.

Neni 185

1. Personeli akademik dhe joakademik kanë të drejtë t'i kundërshtojnë vendimet e marra nga organet e Universitetit, nga njësitë akademike apo nga njësitë organizative rrëth të drejtave, detyrimeve dhe përgjegjësive të tyre.
2. Kundërshtimet e tillë duhet të dorëzohen brenda pesëmbëdhjetë (15) ditëve të punës pasi të jetë publikuar vendimi relevant.
3. Kundërshtimi ndaj vendimit, nëse nuk caktohet ndryshe në këtë Statut, duhet të vendoset në radhë të parë nga:
 - 3.1. këshilli i njësisë akademike, nëse vendimi në shkallë të parë është bërë nga dekanii;
 - 3.2. këshilli administrativ i njësisë organizative, nëse vendimi në instance të parë është bërë nga drejtori;
 - 3.3. Rektori, nëse vendimi në instance të parë është bërë nga protektori apo nga sekretari i përgjithshëm;
 - 3.4. Senati, nëse vendimi në instance të parë është bërë nga këshilli i njësisë akademike apo këshilli administrativ i njësisë organizative;

3.5. këshilli drejtues, nëse vendimi në instancë të parë është bërë nga Rektori apo Senati;

3.6. ministria, nëse vendimi në instancë të parë është bërë nga Këshilli drejtues.

Neni 186
Titujt e nderit te Universitetit

1. Universiteti u ndan titujt e nderit personave të merituar.
2. Senati do të nxjerrë Rregullore të veçantë për procedurën e vendimmarrjes në përzgjedhjen e titujve të nderit.

Neni 187

1. Titulli Doktor Nderi ("Dr. honoris causa") jepet për:

- 1.1. arritje të mëdha në fushën e shkencës dhe artit;
- 1.2. kontributet e rëndësishme në zhvillimin e marrëdhënieve njerëzore në mbështetjen dhe konsolidimin e pages.

Neni 188

1. Titulli "Anëtar Nderi i Universitetit" jepet për:

- 1.1. përkrahje të pandërprerë të brendshme dhe për përkrahjen politike për Universitetin;
- 1.2. kontribut relevant finansiar në zhvillimin e Universitetit.

Neni 189
Procedurat e menaxhimit, kontrolli i cilësisë dhe administrimi
Menaxhimi finansiar dhe kontrolli

Ministria e Financave ka detyrim të sigurojë financimin e duhur për Universitetin për të përbushur detyrimet dhe përgjegjësitë e saj që dalin me dispozitat e këtij Statuti.

Neni 190

1. Universiteti në përputhje me dispozitat e këtij Statuti ka të drejtë të marrë fondë nga këto burime:

- 1.1. Alokimet nga Ministria e Financave, për mësim, kërkime shkencore dhe punë artistike me interes të përgjithshëm në bazë të buxhetit të aprovuar;

- 1.2. tarifat për shkollim dhe pagesat tjera të paguara nga studentët;
- 1.3. pagesat për shërbime komerciale dhe shërbimet tjera;
- 1.4. donacionet, dhuratat dhe ndihmat;
- 1.5. kontratat me organet vendore, ndërkombëtare, publike dhe private përmesimdhënie kërkime shkencore, punë artistike dhe konsulta.

Neni 191

1. Universiteti është i lirë që të lidh kontratë përfundimtarë që ka të bëjë me arsimin e lartë, me kërkimet shkencore apo punën artistike. Universiteti mund të investojë fonde përvetësuese publike në çdo ndërmarrje që ka qëllime arsimore, kërkimore- shkencore apo qëllime artistike nëse:

- 1.1. kontratat që imponojnë detyrime ndaj pronës së aseteve publike janë në përputhje me ligjin në fuqi dhe kanë pëlqimin e MASHT dhe MF;
- 1.2. nuk vihen në rrezik fondet publike.

Neni 192

Nëse Universiteti nuk e fiton riakreditimin në përputhje me Ligjin për Arsimin e Lartë, Ministria mundet që përmes aktit nënligjor të marrë masa të përkolishme përfundimtarë së tij, dhe marrjen e pagesave të shkollimit dhe të hyrave të tjera deri në rimarrjen e akreditimit, mbylljen apo shkrirjen, siç parashihet me Ligjin për Arsimin e Lartë të Republikës së Kosovës.

Neni 193

1. Fondet alokohen nga Ministria e Financave në pajtim me Ligjin përfundimtarë së tij, financave publike dhe përgjegjësitë, Ligjin e buxhetit gjatë vitit finansiar sipas kërkesës buxhetore të aprovuar nga Kuvendi i Kosovës.
2. Fondet e alokuara nga Ministria e Financave përfundimtarë së tij, depozitoohen në kodin buxhetor të Universitetit, përfundimtarë së tij, administruar nga Rektori në pajtim me dispozitat e këtij Statuti. Nënlogaritë do të formohen përfundimtarë së tij, akademike dhe organizative, përfundimtarë së tij, përgjegjësi të dekanit apo drejtore së tij.

Neni 194

Brenda kufijve buxhetor të aprovuar nga Buxheti i Kosovës, Këshilli drejtues ka të drejtë të bëjë transferin e kufizuar të buxhetit në mes linjave buxhetore maksimum dhjetë përqind (10%) përfundimtarë së tij, si dhe të bëjë ndryshimin e fondeve të alokuara sipas kategorive ekonomike.

Neni 195

1. Alokimi i buxhetit nga Ministria e Financave do të ketë parasysh rezultatet e vlerësimit dhe raportet e punës të siguruara nga Universiteti si dhe vërejtjet dhe rekomandimet e siguruara nga Agjencia Kosovare e Akreditimit.
2. Alokimi i buxhetit nga Ministria e Financave nuk do të ketë parasysh asnjë nga fonde private të paraqitura nga Universiteti apo nga njësitë e tij akademike organizative.

Neni 196

1. Të gjitha njësitë akademike janë të detyruara të përgatisin raportin vjetor të buxhetit dhe të dorëzojnë brenda afatit ligjor në administratën qendrore të Universitetit.
2. Buxheti i shpenzuar do të raportohet më së voni deri më 31 Janar të vitit në vijim.
3. Raportet buxhetore do të përgatiten në bazë të standardeve të specifikuara nga Ministria e Financave- Thesari.
4. Departamenti i buxhetit dhe financave i Universitetit, do të përgatisë raportin vjetor mbi shpenzimin e buxhetit në bazë të dispozitave ligjore në fuqi.

Neni 197 Procedurat buxhetore

Rektori i Universitetit, ka për detyrë të përgatisë planin vjetor të të hyrave dhe shpenzimeve për shqyrtim nga ana e Këshillit drejtues, si dhe raportin e menaxhimit të buxhetit dhe burimeve të aprovuar nga Ministria e Financave sipas dispozitave ligjore në fuqi.

Neni 198

Këshilli drejtues do të nxjerrë planin vjetor finanziar të bazuar në procedurat buxhetore në përputhje me këtë Statut dhe ligjet në fuqi.

Neni 199

1. Procedurat buxhetore përimbajnë këto veprime:

- 1.1. elaborimin e raportit të zhvillimit të të hyrave dhe të shpenzimeve vjetore do ta bëjë Departamenti i buxhetit dhe financave në bashkëpunim me dekanët, drejtorët e instituteve dhe njësive organizative për Rektorin, Këshillin drejtues dhe Ministrinë e Financave.
- 1.2. përgatitjen për kërkesat fillestare buxhetore do ta bëjnë Departamenti i buxhetit dhe financave në bashkëpunim me dekanët dhe njësitë organizative.

- 1.3. dëgjimet buxhetore rreth kërkesave me njësitë akademike dhe organizative do të organizohen nga Rektori dhe drejtori i buxhetit dhe financave të Universitetit.
2. Raporti i vjetor i shpenzimeve të buxhetit do të paraqitet në mënyrë gjithëpërfshirëse me të dhënat e buxhetit të aprovuar dhe shpenzuar sipas kategorive ekonomike.
3. Të dhënat për përbushjen e detyrave dhe veprimtarisë bazohen në dispozitat përaportimin e veprimtarisë dhe përbushjes së detyrave me këtë Statut.

Neni 200

1. Buxheti i aprovuar për çdo njësi akademike dhe organizative paraqet gjendjen aktuale të financave përvit aktual buxhetor dhe përbëhet nga kategoritë ekonomike që përcaktohen me ligjet në fuqi dhe dispozitat e këtij Statutit.
2. Kërkesat për investime kapitale apo projekte të tjera paraqiten në mënyrë të specifikuar dhe arsyetuar duke u bazuar në planin strategik të zhvillimit të Universitetit.

Neni 201

Të dhënat për procesin buxhetor ruhen në bazën e të dhënave në administratën qendrore dhe njësitë akademike dhe organizative.

Neni 202 Pagesat e studentëve

1. Pagesat e studentëve bëhen për shërbime specilike të ofruara nga Universiteti në kohën e programit të studimeve.
2. Pagesat vjetore të studentëve janë gjithëpërfshirëse në pajtim me Rregulloret e veçanta të Ministrisë dhe përbënë të gjitha shërbimet e ofruara gjatë rrjedhës së rregullt të studimeve, në përputhje me dispozitat e këtij Statutit.
3. Pagesat e studentëve vlefjnë për studimet themelore - bachelor, studimet master dhe studimet e doktoratës.
4. Këshilli drejtues nxjerr Rregullore të detajizuar për llojin dhe shumën e pagesës së studentëve që do të jetë në pajtim me Rregulloret përkatëse të nxjerra nga Ministria.

Neni 203

1. Pagesat e studentëve do të derdhen në llogarinë e Universitetit.
2. Gjatë procedurave buxhetore vjetore një përqindje përkatëse e pagesave të studentëve i kthehet njësisë akademike prej ku janë marrë për zhvillimin e shërbimeve arsimore, në përputhje me këtë Statut.

3. Këshilli drejtues vodos që kjo përqindje e caktuar të ndahet drejt dhe në mënyrë transparente.

4. Pjesa e mbetur e pagesave të studentëve mbahet si "buxhet rezervë edukativ" dhe do të jetë në dispozicion të Këshillit drejtues. Kjo shumë caktohet vetëm për zhvillimin e programeve të veçanta të studimit dhe ndahet nga Këshilli drejtues.

Neni 204 Kontrolli finansiar

1. Në pajtim me Ligjet në fuqi Universiteti i nënshtrohet, në baza vjetore, një auditimi të jashtëm të rregullsisë dhe të kontrollit finansiar nga autoriteti i përcaktuar me ligj.

2. Autoriteti i përcaktuar me ligj i dorëzon Universitetit një raport mbi auditimin e rregullsisë. Përgjigjet e dhëna nga Universiteti, nëse ka të tilla, lidhur me raportin i bashkangjiten raportit dhe janë pjesë përbërëse e tij.

3. Pas publikimit të raportit, autoritetet qeverisëse dhe menaxheriale të Universitetit i dorëzojnë autoritetit të përcaktuar me ligj një raport i cili përcakton masat të cilat ka për qëllim ti ndërmarrë për zbatimin e rekomandimeve të bëra në raportin e auditimit të Auditorit të përgjithshëm të Kosovës.

Neni 205

1. Me qëllim të vendosjes së një efikasiteti më të madh operacional, një discipline më të madhe buxhetore dhe fiskale si dhe respektimin e rregullave lidhur me shfrytëzimin e drejtë të mjeteve, Universiteti në pajtim me ligjet në fuqi krijon funksionin e auditimit të brendshëm.

2. Auditimi i brendshëm është aktivitet i pavarur këshillëdhënës që ndihmon Universitetin në përbushjen e objektivave të tij, duke ofruar qasje sistematike, të disiplinuar për të vlerësuar dhe përmirësuar efektshmérinë e proceseve të menaxhimit të rrezikut, kontrollit dhe qeverisjes.

3. Autoritetet e Universitetit do të ndërmarrin të gjitha masat e nevojshme për të siguruar pavarësinë e auditorit të brendshëm.

4. Auditori i brendshëm do ti ushtroj aktivitetet e veta në pajtim me ligjet dhe aktet nënligjore në fuqi.

5. Këshilli drejtues, Rektori, sekretari i përgjithshëm dhe auditorët, në përpunje me dispozitat e këtij Statuti, kanë të drejta të pakufizuara për qasje në të gjitha të dhënat dhe dokumentet zyrtare të Universitetit dhe personelit të tij.

Neni 206
Kontroll i cilësisë dhe vlerësimi

Universiteti zhvillon sistemin e vet të sigurimit të cilësisë me qëllim të ruajtjes së cilësisë dhe të arritjes së objektivave të veprimtarisë.

Neni 207
Sigurimi i cilësisë dhe vlerësimi

1. Vlerësimit i nënshtrohen të gjithë dhe ky vlerësim përfshin gjithë spektrin e Universitetit dhe shërbimet e tij.
2. Vlerësimet analizojnë efikasitetin dhe efektshmërinë e funksionimit të Universitetit në të gjitha fushat e veprimit. Ai u siguron njësive të vlerësuara dhe organeve përgjegjëse të qeverisjes treguesit për masat e sigurimit dhe përmirësimit të cilësisë, si dhe me vendimet që kanë të bëjnë me personelin dhe organizimin.

Neni 208

Vlerësimet udhëhiqen në përputhje me standarde ndërkombëtare të vlerësimit.

Neni 209

1. Vlerësimet kanë këto efekte:

- 1.1. motivimin dhe vlerësimin publik në rast të rezultateve pozitive;
- 1.2. zbatimin e masave të përshtatshme me qëllim të përmirësimit të punës në rast të rezultateve negative,

Neni 210

Rezultatet dhe efektet nga vlerësimi do të merren parasysh nga organet e qeverisjes së Universitetit dhe të njësive të saj dhe ato do të kenë ndikim në alokimin e buxhetit.

Neni 211

1. Vlerësimet e parapara:

- 1.1. vlerësimi i masave të menaxhimit në të gjitha nivelet organizative në lidhje me:

- 1.1.1. themelimin dhe përshtatjen e programeve të studimit;
- 1.1.2. ndërrimin e programeve të studimit;

- 1.1.3. masat organizative si themelimi, përshtatja dhe shkrirja e njësive institucionale;
 - 1.1.4. arritja e qëllimeve sociale;
 - 1.2. vlerësimi i programeve të studimit dhe organizimit të studimeve;
 - 1.3. vlerësimi i cilësisë së mësimdhënies;
 - 1.4. vlerësimi i aktiviteteve kërkimore;
 - 1.5. vlerësimi i punës artistike.
2. Vlerësimet bëhen për t'i arritur objektivat, përshtatjen e punës dhe ekonomizimin e masave të marra.

Neni 212

1. Vlerësimi i punës së mësimdhënësve, i kërkimeve shkencore dhe i punës artistike bëhet në këtë mënyrë:
 - 1.1. vlerësimet e brendshme përmes vlerësimit vetanak:
 - 1.1.1. pyetësorët dhe vetëvlerësimi nga ana e personelit akademik;
 - 1.1.2. pyetësorët anonim të vlerësimit nga studentët;
 - 1.1.3. analiza e parametrave në bazë të raportit të punës dhe përbushjes së detyrate;
 - 1.2. vlerësimet e jashtme nga kolegët ndërkombëtarë:
 - 1.2.1. prezencia në orë;
 - 1.2.2. raportet e ekspertëve.
2. Universiteti bën rregullisht vlerësimet e jashtme në pajtim me këtë Statut dhe standardet e përcaktuara nga Agjencia e Akreditimit të Kosovës.
3. Senati nxjerr Rregulloret rreth orarit, rreth procedurave dhe masave të të gjitha llojeve të vlerësimit në pajtim me këtë Statut pasi të jetë konsultuar me Këshillin drejtues.

Neni 213

1. Vlerësimi i cilësisë së mësimdhënies nga ana e studentëve bëhet një herë në vit përmes pyetësorëve anonim që koordinohen nga komisioni i posaçem i studimeve.

2. Pyetësorët përpilohen detajisht nga komisioni i studimeve të secilës njësi akademike, duke u bazuar në strukturën standarde të pyetësorëve të dhënë nga Senati dhe do të ruhen e do të shfrytëzohen në mënyrë kompjuterike.
3. Dhjetë përqind (10%) e rezultateve më të mira vjetore të vlerësimit të cilësisë së mësimit do të publikohen nga ana e çdo udhëheqësi të komisionit për studime.
4. Udhëheqësi i çdo komisioni për studime është i obliguar që t'i diskutojë me mësimdhënësit të radhitur në dhjetë përqind (10%) të rezultateve më të ulëta vjetore nga ana e studentëve dhe të vendosin bashkërisht rrëth masave që duhet ndërmarrë për përmirësimin e cilësisë së mësimit.

Neni 214

1. Të gjitha vlerësimet e jashtme dhe të brendshme do të kryhen me procedurë standarde, duke përfshirë veprimet në vijim:

1.1. autoritetet drejtuese që janë përgjegjëse për vlerësim para se të bëhet vlerësimi, e informojnë njësinë e Universitetit të prekur nga ky vlerësim për:

- 1.1.1. fushat;
- 1.1.2. objektivat;
- 1.1.3. procedurat dhe oraret;
- 1.1.4. instrumentet.

1.2. përgatitjen e versionit të raportit me shkrim pas përfundimit të vlerësimit për:

- 1.2.1. procedurën e vlerësimit;
- 1.2.2. rezultatet;
- 1.2.3. masat e propozuara.

1.3. njësive të vlerësuara u jepet një periudhë e arsyeshme kohore për të reaguar për versionin e raportit, këto komente do të bëhen pjesë integrale e raportit të vlerësimit.

1.4. raporti final i vlerësimit do t'u jepet:

- 1.4.1. të gjithë personave përgjegjës të njësive të vlerësuara;
- 1.4.2. autoriteteve drejtuese që janë përgjegjëse për zbatimin e këtyre masave.

2. Rektori kërkon zbatimin e raportit nga autoritetet drejtuese përgjegjëse për zbatim pas një periudhe të arsyeshme të zbatimit prej më së shumti dy (2) vjet.

Neni 215

1. Vlerësimi i jashtëm bëhet:

- 1.1. me nismën e Këshillit drejtues, Senatit ose Rektorit;
- 1.2. me nismën e këshillit të njësive akademike dhe pasi të jetë konsultuar me dekanin;
- 1.3. me nismën e Ministrisë dhe pasi të jetë konsultuar me Këshillin drejtues dhe Rektorin e Universitetit.

2. Kostoja e vlerësimeve të nisura nga Ministria do të mbulohet nga fondet e Universitetit.

Neni 216

Njësitë e Universitetit dhe organet e tyre të qeverisjes janë të detyruara të sigurojnë të dhënat e nevojshme dhe informata përvlerësim si dhe të bashkëpunojnë.

Neni 217

Kryerja e punëve përvlerësimi e gjithë personelin akademik vlerësohet irregullisht në bazë institucionale së paku çdo pesë (5) vjet.

Neni 218

Raporti i punës dhe i përbushjes së detyrave

1. Të gjithë kryesuesit dhe udhëheqësit e instituteve apo në njësitë tjera organizative të Universitetit do të sigurojnë raportin vjetor të punës dhe përbushjes së detyrave për dekanët e njësive të tyre akademike.
2. Raporti i punës vjetore përmban:
 - 2.1. të dhënat e fundit tretë mësimit në vitin akademik;
 - 2.2. të dhënat përvlerësimi i punës artistike dhe të dhënat kërkimore të vitit të fundit kalendarik.

Neni 219

Çdo dekan i njësisë akademike i siguron Rektorit raport të plotë vjetor të punës së njësisë së vet akademike.

Neni 220

1. Raporti i punës dhe i përbushjes së detyrave përmban të dhëna të mjaftueshme lidhur me:

1.1. numrin e studentëve (të regjistruar, numrin total, të diplomuarit);

1.2. mësimdhënien akademike:

1.2.1. programet e studimit dhe lëndët;

1.2.2. mësimdhënësit, përgjegjësítë e mësimdhënësve dhe ligjératat e dhëna;

1.2.3. provimet dhe punimet seminarike;

1.2.4. diplomat dhe disertacionin e doktoratës;

1.2.5. rezultatet e vlerësimit të studentëve.

1.3. kërkimet shkencore:

1.3.1. artikujt e botuar shkencorë, monografitë dhe botimet tjera shkencore;

1.3.2. raportet e projekteve shkencore;

1.3.3. pjesëmarrjet në konferenca dhe punimet e paraqitura;

1.3.4. projektet kërkimore të finançuara nga burimet publike dhe private;

1.3.5. personelin akademik të finançuar nga burimet private;

1.3.6. parametrat e tjera relevantë të kërkimit shkencor;

1.4 krijimtarinë artistike.

2. Një formë standarde dhe e detajuar nxirret nga Senati për çdo njësi akademike me propozimin e Rektorit dhe pasi të jetë konsultuar me dekanin e Këshillit të njësisë përkatëse akademike.

3. Senati përcakton procedurë të veçantë për grumbullimin vjetor të raporteve të punës me propozimin e Sekretarit të përgjithshëm.

4. Të gjitha të dhënat e kryerjes së detyrave raportohen më së voni deri më 31 mars të vitit vijues.

Neni 221

1. Raportet e punës do të përpilohen, mblidhen dhe ruhen në mënyrë të kompjuterizuar dhe standarde.

2. Administrata Qendrore e Universitetit siguron instrumentet e duhura për mbledhjen e të dhënave për mënyrën e punës dhe është përgjegjëse për ruajtjen e të dhënave dhe analizën e të dhënave.

3. Personi kompetent i çdo njësie akademike vendos për të drejtën e qasjes në të dhënat e njësisë. Sekretari i përgjithshëm si përfaqësues administrativ i Rektoratit, dhe si personi më i lartë kompetent në lidhje me këtë ka qasje të pakufizuar në të gjitha të dhënat.

Neni 222
Administrata dhe të dhënat
Zyrat administrative

1. Universiteti do të ofrojë shërbime efikase dhe të dobishme administrative që t'i mundësojë personelit akademik përmبushjen e objektivave dhe përgjegjësitë në fushën e formimit akademik, të kërkimeve shkencore dhe punës artistike, në mënyrën më të mirë të mundshme, siç është paraparë me këtë Statut.
2. Universiteti sipas nevojës formon zyrat administrative në nivel të Universitetit dhe për çdo njësi akademike e organizative.

Neni 223

1. Administrata Qendrore e Universitetit është përgjegjëse për çështjet profesionale, administrative dhe teknike në lidhje me:
 - 1.1. arsimin, kërkimet shkencore dhe punën artistike;
 - 1.2. administrimin e njohjes së studimeve;
 - 1.3. administrimin e personelit;
 - 1.4. aspektet ligjore;
 - 1.5. planin zhvillimor të Universitetit;
 - 1.6. kontabilitetin dhe finansat;
 - 1.7. mirëmbajtjen dhe dokumentimin e pronës;
 - 1.8. dosjet;
 - 1.9. qarkullimin e mallrave;
 - 1.10. menaxhimin e sistemit të informimit;
 - 1.11. bazën qendrore të të dhënave;
 - 1.12. aspektet tjera të përgjithshme të administratës së Universitetit.
2. Të gjitha këto detyra koordinohen nga Sekretari i përgjithshëm.

Neni 224

1. Zyrat administrative të njësive akademike dhe organizative janë përgjegjëse për çështjet profesionale, administrative dhe teknike, struktura e të cilave do të caktohet nga fushëveprimi i vet njësisë në përputhje me dispozitat e këtij Statuti.
2. Të gjitha këto detyra koordinohen nga Sekretari i përgjithshëm ose nga zyrtari për çështje juridike i njësisë akademike apo organizative.
3. Numri dhe detyrat e zyrtarëve për çështje juridike caktohet sipas propozimit të Sekretarit të përgjithshëm dhe aprovohen nga Këshilli drejtues.

Neni 225

1. Zyrtari për çështje juridike i njësisë akademike është bartës i zyrës administrative të njësisë akademike. Është përgjegjës që funksionet e caktuara të zyrës administrative të përbushen në mënyrë efektive dhe efikase. Për punën e vet i përgjigjet dekanit dhe Sekretarit të përgjithshëm.
2. Kandidatët për zyrtarë për çështje juridike duhet t'i përbushin këto kualifikime:
 - 2.1. të kenë diplomë universitare me më së paku katër (4) vjet të studimeve ose master;
 - 2.2. duhet të jenë nga fusha profesionale e drejtësisë;
 - 2.3. të kenë tre (3) vjet përvojë pune profesionale;
 - 2.4. të kenë dije të mjaftueshme në proceset arsimore dhe kërkimore;
 - 2.5. të kenë aftësi të dëshmuara organizative dhe menaxhuese;
3. Përzgjedhja e zyrtarit për çështje juridike të njësisë akademike bëhet sipas rregullave të konkursit publik.

Neni 226

1. Këshilli drejtues, me sugjerimin e Rektorit, nxjerr Rregullore rrëth organizimit të brendshëm të shërbimeve të Universitetit.
2. Me sugjerimin e Sekretarit të përgjithshëm, Rektori nxjerr Rregullore rrëth sistematizimit të vendeve të punës brenda Administratës Qendrore të Universitetit.
3. Me sugjerimin e sekretarit, dekani apo drejtori nxjerrin Rregullore rrëth sistematizimit të vendeve të punës brenda zyrës administrative të njësisë akademike apo organizative.

Neni 227
Dosjet

1. Sekretari i përgjithshëm është përgjegjës për mirëmbajtjen e të dhënave të sakta të zyrave administrative.
2. Përkitazi me këto të dhëna duhet të mbahen dosje të qëndrueshme për:
 - 2.1. kandidatët që paraqiten për pranim;
 - 2.2. studentët e regjistruar në të gjitha programet e studimeve dhe të kërkimeve shkencore;
 - 2.3. të diplomuarit;
 - 2.4. personelin me kontratë;
 - 2.5. pronësinë;
 - 2.6. llogaritë financiare;
 - 2.7. projektet e kërkimeve, krijuese dhe konsultative;
 - 2.8. kontratat komerciale;
 - 2.9. raportet e punës akademike;
 - 2.10. vlerësimet:
 - 2.10.1. raportet vetanake;
 - 2.10.2. vlerësimet e jashtme dhe të brendshme;
 - 2.11. çështje të tjera që kërkojnë nga Këshilli drejtues, nga Rektori apo Senati.

Neni 228

Gjithë personeli dhe studentët e Universitetit duhet të bashkëpunojnë me Sekretarin e përgjithshëm të Universitetit, duke i ofruar informata që kërkojnë të mbahen sipas nenit paraprak.

Neni 229

1. Të gjitha të dhënat duhet të ruhen në mënyrë të standardizuar elektronike. Këto të dhëna ruhen në bazën qendrore të të dhënave në shërbim të çdo njësie akademike dhe organizative dhe mirëmbahen nga Qendra informative universitare; siç janë:

- 1.1. numri i studentëve dhe libri i studentëve;

- 1.2. shifrat buxhetore;
 - 1.3. të dhënat e infrastrukturës;
 - 1.4. raportet e punës dhe vlerësimet.
2. Sekretari i përgjithshëm i Universitetit është përgjegjës për dhënien e të drejtës për qasje në një bazë specifikë të dhënavë. Rregulloret nxirren nga Rektori me propozim të sekretarit të përgjithshëm dhe pasi të jetë konsultuar me dekanët dhe drejtoret e njësive akademike dhe organizative.

Neni 230

Të gjitha të dhënata lidhur me personelin mbahen duke respektuar natyrën e tyre private, kurse mund të hapen vetëm për qëllime të caktuara në pajtim me ligjin në fuqi dhe sipas dispozitave të këtij Statuti.

Neni 231 Veprimtaria botuese e Universitetit

1. Universiteti funksionon si botues, redaktues i teksteve, i monografive dhe i revistave të tjera shkencore dhe profesionale në përputhje me Rregulloren për publikime të nxjerrë nga Senati pasi të jetë konsultuar me Këshillin drejtues.
2. Lidhur me publikimet në Universitet, Senati formon Këshillin botues i cili përbëhet nga pesë (5) anëtarë. Prorektori për mësimdhënie është anëtar i Këshillit botues sipas detyrës zyrtare me të drejtë vote.
3. Anëtarët e Këshillit botues zgjedhen sipas fushave përkatëse të shkencës dhe të artit. Për shkencat që nuk janë përfshirë në Këshillin botues, Senati emëron redaktor profesional.
4. Këshilli botues e zgjedh kryetarin nga radhët e veta. Mandati i anëtarëve të Këshillit botues është katër (4) vjet.
5. Anëtarët e zgjedhur të Këshillit botues janë njëkohësish edhe redaktor i publikimeve shkencore nga fusha shkencore, profesionale e artistike, të cilës i përkasin.

Neni 232

1. Prioritetet vjetore për publikim do të përcaktohen nga Senati në bazë të numrit dhe llojit të kërkesave të bëra nga personeli akademik përmes njësive akademike.
2. Senati i Universitetit nxjerr Rregullore lidhur me kushtet dhe procedurën e botimit, ribotimit dhe përkthimit të publikimeve.

Neni 233

1. Buletini i Universitetit botohet rregullisht dhe shërben si gazetë zyrtare e Universitetit.
2. Sekretari i përgjithshëm i Universitetit është redaktor përgjegjës i Buletinit të Universitetit.
3. Universiteti nxjerrë revistën profesionale shkencore- artistike.

Neni 234

1. Gazeta e studentëve të Universitetit botohet rregullisht.
2. Rektori do të emërojë redaktorin përgjegjës për gazetën e studentëve pasi të jetë konsultuar me redaksinë e gazetës së studentëve.
3. Redaksia formohet nga kater (4) anëtarë të cilët zgjedhen nga Parlamenti i studentëve.
4. Studentët angazhohen si gazetarë me honorar në gazetën e studentëve deri në gjashtë (6) muaj.
5. Hollësitë rrëth detyrave të punës dhe procedurave të punësimit përshkruhen me Rregulloren e nxjerrë nga redaksia.

Neni 235 Dispozitat kalimtare

1. Ky Statut miratohet nga Senati i Universitetit në propozim të Këshillit drejtues.
2. Meqë Universiteti deri me hyrjen në fuqi të këtij Statuti ka qenë në fazën e themelimit, të gjitha vendimet, Rregulloret dhe aktet tjera që janë nxjerrë nga Këshilli i përkohshëm drejtues do të mbesin në fuqi deri sa të përshtaten dhe harmonizohen ne pajtim me dispozitat e këtij Statuti, por jo me vone se tre (3) muaj nga dita e miratimit te statutit ne Kuvendin e Republikës se Kosovës.
3. Senati i Universitetit i zgjedhur sipas këtij Statuti e ka mandatin që t'i rishikojë të gjitha vendimet që kanë ndikim akademik dhe nëse e konsideron të arsyeshme ka mundësi t'i ndryshojë ose anulojë.
4. Që nga data e hyrjes në fuqi të këtij Statuti, procedurat e zgjedhjes ne Senat dhe Këshill Drejtues të Universitetit janë të detyrueshme.
5. Zgjedhjet do të bëhen sipas rendit që siguron procedura të vazhdueshme në pajtim me dispozitat e këtij Statuti.

Neni 236

1. Të gjitha kontratat e personelit akademik dhe administrativ do të vazhdojnë me të njëjtat kushtet deri me datën e caktuar në kontratë. Vazhdimi i kontratave bëhet në pajtim me këtë Statut.
2. Personeli që bartë thirrjen akademike "Ligjërues" do të vazhdojnë ta mbajnë këtë thirrje sipas vendimit dhe afatit të caktuar në vendimin me të cilin është emëruar- zgjedhë në këtë thirrje
3. Të gjitha aktet e emëritimit dhe kontratat e personelit joakademik vazhdojnë me të njëjtat kushtet në pajtim me legjislacionin në fuqi,

Neni 237 Dispozitat përfundimtare

1. Universiteti "Ukshin Hoti" dhe njësitë akademike dhe organizative duhet t'i harmonizojnë aktet dhe Rregulloret ekzistuese në përputhje me këtë Statut, jo me vonë se tre (3) muaj pas hyrjes në fuqi të këtij Statutit.
2. Deri në nxjerrjen e akteve sikurse në paragrafin I. të këtij nenit, do të aplikohen dispozitat e Statutit të përkohshëm dhe aktet tjera në fuqi përvèç në rastet kur ato janë në kundërshtim me këtë Statut dhe Ligjin për Arsimin e Lartë.

Neni 238 Dispozitat shfuqizuese


Me hyrjen në fuqi të këtij Statuti, shfuqizohen dispozitat e Statutit të përkohshëm të Universitetit të Prizrenit i datës 04 gusht 2010 dhe UA. nr. 01B/169 dt. 01.07.2011.

Neni 239 Hyrja në fuqi

Ky Statut hyn në fuqi ditën e miratimit ne Kuvend.

Nr. 04-V-621
30 maj 2013

Kryetari i Kuvendit të Republikës së Kosovës,


Jakup KRASNIQI